

廈門志

卷九 藝文

地 310.33
736

第五



廈門志卷九

藝文略一

志乘之作做于漢書漢書藝文之志獨載書目陋矣我朝一統志自名臣碩彥鴻章鉅製備列簡編厥後省郡邑志遵循載擇使前賢苦心著作披書可信典綦盛哉廈雖蕞爾一島不乏名宦邑賢故于奏議公移以至城池公署祠廟巖洞之記序詩章有關島上風化民命利弊者錄為藝文略他雖奇文雄策不係島上概置不載亦由一統志之義法焉爾

書目

廈門志

卷九

藝文畧一

書目

唐薛令之明月先生集

補闕集一卷

見通志

陳黯禪正書三卷

穎川先生集五卷

宋林棐詩文集

見通志府志

薛舜俞易抄詩書指

文集

通志作舜俞集二百卷

明林應四書解便覽

璧峯集

見本傳

王高立毛詩小傳十六卷

義方堂文集二十五卷

見縣志

志本傳

傅鑰鷺門山人詩集

池浴德居室篇

詩集

空臆錄

懷綽集

見通志府志縣志

池顯方晁巖集二十二卷

玉屏集

南叅集

滄遠

詩集 李杜詩選 說詩 直夫偶鈔 金剛演說
東山澆語

林應翔止崑存稿 衢州志

林龍采茶史一卷 見府志

林志遠歷代史白 見通志府志縣志

楊期演易經管見 島上紀事八卷

楊秉機浩然小草二卷

葉后詔五經講義 府志作講章 鷓鴣

阮文錫四書測讀 易闕疑 粵滇紀錄 金剛經說

續佛法金湯 杜詩三評 以上見通志三評縣志作三律 聞見錄

廈門志 卷九

二

談道錄 唐人雅音集 唐七言律式 夢庵長短句

清源會詩篇 同和東坡韻詩 燕山紀遊 夕陽寮

詩稿 夕陽寮詞 慧庵倡和韻選 輪山詩稿 慢

亭遊稿 詩論 詩韻 嘯草 夕陽寮文稿 擊筑

集 涉江詩鈔 奕鑑

林說林尊賓紀許國三異人集 紀曾寶彙刻

國朝

陳倫炯海國聞見錄二卷

鄭得瀟五經通義 文學指南 易研 史統 以上見通志作

得瀟 人字圖說 蘧廡近吟選

曾原昌百花詩 澎游草一卷 逢齋詩集八卷

池繼溥然齋詩草 見通志 府志

池其繩史眼 詩緯 四書講錄 三極藏書 求齋

別集 見府志 縣志

蔡洪璧琢齋集 見鷺江志本傳

劉天澤四書述酌

葉龍南華經註

黃成振四書存要五卷 學庸存要補篇二卷 日光

巖詩一卷 九閩賦一卷

林翼池來鳳縣志 鷺洲拾草 遠遊閒居草 讀史

廈門志 卷九

三

約篇 尚書捷解 知以集

蔡德輝鳴秋草五卷 蠡測文集十卷

李正捷月山詩文集

黃日紀全閩詩傷六卷 奚囊集 內史集 中樞集

龍江集 榕林偶吹倡和集 鷓樓瑣綴 荔崖詩鈔

歸田集 嘉禾名勝記二卷 榕林彙咏一卷 菜根

清譚

廖飛鵬石邨集

黃彬草庵詩集四卷 文集二卷 看山樓倡和詩一

卷

林明琨應秋草

莫鳳翔鷺門草四卷 碧山草堂

鷺江志畧一卷失姓氏

薛起鳳鷺江志 梧山草

曾朝英詩文集

蔣國樑長嘯集

張廷儀滄溆集

張承祿孝子忠臣錄 善惡金鑑 隱林酒史 壁峰

詩話 唐詩彙韻

張錫麟池上草 時齋倡和詩二卷 池上史論 漁

廈門志

卷九

四

城詩草四卷 文集二卷

徐宏音韻齋集

黃名香消閒草

蔡天任霧隱草

許溫其箬漁近草

周禮悔莽小草

劉啟熊晞窓吟草 夢亭賦稿

王經綸經史緒餘

林為洛太極圖說 古文文法評註

郭希洛有韻齋詩文集

林一枝射策懸鵠

水師要略一卷

謝恩詔刻本

舟師繩墨一卷

閩秀章淑雲鏡花樓詩稿

釋達中刻玉集

藝文略二

疏

討平途巢疏

國朝

萬正色

題為討平途巢廓清海宇事

臣

於本年二月初六日攻克

海壇又於本月二十日兩日夜攻克崇武追至泉港臭塗

廈門志

卷九

藝文略二疏

五

業經題

報外隨卽咨會督撫將軍提督諸臣陸路夾

攻賊驚惶莫措遂將海澄金門廈門節次抽泊金門港口

據扼料羅豫為拒戰退歸之計臣審候風利於二月二十

七日自泉港分遣舟師以援勦左鎮總兵官林賢定為左

路先鋒以援勦右鎮總兵官陳龍定為右路先鋒以臣標

及閩安協副將田萬侯援勦前鎮總兵官黃鎬後鎮總兵

官楊嘉瑞定為中路正艚三路并發因風信頓息暫泊永

寧二十八日至圍頭乘夜直搗料羅賊拚命奪取生路時

值昏黑汪洋巨浪難以攻擊卽於二十九早尾追賊遂飄

洋遠遁臣沿海長驅兩日夜搜逐無踪而外洋絕域未便

窮追遂於三月初二日至金門出示安民初三日進泊廈門與各陸臣會師而閩海逆巢一槩廓清矣所有進取海澄廈門聽各路陸臣具疏題

報外臣以菲材謬當重

任前疏密陳戰略汲汲以速征爲任者蓋實知民困已極

天心厭亂若不乘時剪誣爲患滋深且料逆賊雖

結艚海壇恃爲外固臣以順

天救民之師氣銳心

一之衆加以上風臨之海壇必破旣破海壇先聲已奪則海澄自潰金門廈門自危次第長驅便可席卷臣報國心切安忍燭見旣真而遲留觀望故遂與撫臣吳策前征今幸仰賴

皇上威靈獲驗前言此誠臣之分

廈門志

卷九

六

也 國家之福也然而戰勝易守勝難則安邊善後之策水陸分防之要此又臣所鯁鯁厯慮容確商議定另疏題請庶可奠閩方於永固矣至於在事水師鎮將及隨征外委人員節次戰功容臣查確彙

報伏乞 皇

上睿鑒施行

飛報克復等事疏

國朝 楊 捷 元凱

題爲飛報克復廈門逆島事切照海澄旣復賊衆奔竄撫安殘黎卽一面多張示諭并差能員于各處宣布

皇仁曉諭各僞官兵許以就撫自新隨材錄用當有僞總兵吳桂羅士鈐僞副將吳天祿等各率領僞官兵船隻眷

口前來投誠臣厚加賞賚撫慰將伊等家眷安插縣城之內因廈門情形各據稱逆賊因在烏嶼橋海滄等處被我官兵剿殺又見我兵安營高浦所絕其歸路賊已喪胆今海澄克復勢益搖動桂等願効力前驅協同官兵乘時進取等情臣隨飛咨督撫諸臣調撥官兵分路進攻督臣姚平南將軍臣賴漳浦總兵臣趙得勝率領滿漢大小各將弁配坐船隻從嵩嶼進發撫臣吳與寧海將軍臣喇副都統臣吳同安總兵王英等率領滿漢大小各將弁配坐船隻從潯尾進兵臣同福寧總兵臣黃大來漳州總兵臣吳三畏率領鎮標各營參遊馬勝等并守備千總

廈門志

卷九

七

以及外委隨征大小各員弁配坐分撥督臣捐造八槳船三十隻及投誠總兵吳桂等帶來船隻仍挑選新附熟練精兵卽令偽鎮將吳桂羅士鈇吳天祿帶領協同官兵從海澄一路而進三路訂期于二月二十六日一齊追擊逆賊聚艖迎敵我兵大砲擊破賊船甚多斬殺淹死逆賊在海洋之中難以千百計數賊衆大敗遠遯當有防守廈門偽總兵黃瑞張雄吳國俊等率領偽兵投誠隨于二月二十七日亥時克取廈門島中人民數萬口臣等仰體皇仁禁戢官兵不許傷害百姓出示安撫訖查探賊船尚有二百餘隻現泊料羅等處尚思狂逞應俟水師提臣兵

船到日會商夾勦以絕根株但臣自提師鳳山與督撫諸臣罄竭心力經策滅賊之策時因省會無水師南下未能飛渡且臣係統轄陸路原無船隻水兵近因分撥督臣捐造八槳及招諭偽總兵吳桂羅士鈐等各帶船隻來歸臣多方鼓勵各願領眾殺賊自効臣不敢以水陸岐視致失事機隨飛咨督撫諸臣調發官兵分路夾擊今積年盤踞逆穴一旦蕩平海宇廓清邊陲安靖此皆仰藉 朝廷威德下賴各將士協和用命而水師提臣之功尤不可泯除在事有功大小將弁及傷亡官兵併得獲船隻器械等項數目容臣查明另造清冊送部察覈外理合先具飛

廈門志

卷九

報上慰 睿懷臣謹具疏密 題伏乞 皇上睿鑒施行奉 旨鑒卿奏會同滿漢官兵進勦海逆擊敗賊眾恢復廈門俱見調度有方將士奮勇可嘉在事有功人員著議叙具奏兵部知道本內副都統訛寫都統着飭行

水師請設等事疏

楊 捷

奏為水師請設專員微臣揣分難兼謹密疏控辭計圖萬全事竊照閩地寇虐方張山海交訌是今日水陸俱在用兵有萬難兼顧之勢臣自幼從戎身經戰陣俱馳驅於車馬之間從未乘風破浪以角勝於水師今一但俾臣以兼管水陸之任惴惴不克自安聞 命之日即欲具辭水

師因未開印不敢上疏及入境受事又以途次匆遽不遑
控辭今甫抵省不敢再延恐誤 國事是以籲 聞臣
更攷福建舊制原有專設水師提督後因海面無警鄭逆
竄伏臺灣故爾奉文裁去今則海寇見駐廈門於漳泉等
處水陸交犯狂逞之勢什倍於昔自應循照舊制特設專
員令其統轄沿海兵將調度水戰俾 臣 得以盡力陸路一
心剿禦剪其攻城掠野之狡謀則從此陸兵水師各有職
掌彼此呼應互相聲援將見數十年之逋寇可立殲於茲
矣今 臣 正在料理陸地攻守之事弗暇兼顧水師若不早
為 奏明倘海上賊艘一時彙集雖有沿邊將士無專帥

廈門志

卷九

九

以統之其志不一難以建功是水師分設之議在今日有
斷不容稍緩者伏祈 皇上洞鑒邊海情形俯察愚 臣

誠悃 勅部速議 特簡熟悉水道才能夙著之員另

設提督使水師早成勁旅其於式遏寇虐有裨軍機非淺

鮮也 臣 不勝惶悚待 命之密奏請 旨

疏辭金廈戰功 萬正色

題為討平逆巢廓清海宇事康熙十九年五月二十七日
承准兵部劄付內開職方清吏司案呈奉本部送兵科抄
出據福建水師提督萬 題為討平逆巢廓清海宇事一
疏奉 旨覽卿奏率領舟師進剿海盜直抵金門廈門

卿倡先平海攻克海壇崇武臭塗等處賊勢窘迫克奏捷
功具見籌畫周詳調度有方深為可嘉着從優議叙具奏
兵部知道欽此查該提督未經造冊送部此抄無容議覆應
行該提督將殺賊數目弁在事各官有無事故職名履歷
詳造清冊送部之日再議可也等因呈堂奉批照劄送司
案呈到部備劄到臣承准此竊惟戮力疆場固臣職所當
盡據實披陳尤臣心所難昧臣自上歲受命討逆晨
夕綜理備悉賊形故不揣愚昧決策前征仰藉皇上
威靈自海壇以抵崇武臭塗三次鏖戰克奏微勲所有殺
賊全勝情形俱已恭報在案自臭塗以抵金門廈門

廈門志

卷九

十

連日追擊寇賊披遁臣前疏據實題

報欽承

皇上

上綸音褒獎謂臣倡先平海功有可嘉弁着兵部從優議

叙臣

跪讀之際不勝感激而益切悚懼也茲部劄行臣將

將

殺賊數目弁在事各官履歷造冊送部再議臣思臭塗以

前殺賊頗多承准部劄見在確查攢造以俟彙報臭塗以

後乘勝追迫逆賊奔潰實無殺賊數目可以造報至於倡

先平海克奏捷功則又臣

之頗悉賊形思盡愚忠力圖殄

殲以仰報

聖明於萬一者安敢分內之微績妄邀格

外之

殊恩敬抒愚誠據實

題明伏乞

皇上睿

覽施行

咨

覆喇將軍咨

萬王色

爲照豫備不虞兵法要機况逆孽猶在澎湖則厦金兩島尤宜保固派撥防禦誠有如大咨所囑者但本提督現在整搦舟師刻期前征以掃根株仍與各鎮會商機宜擬以援勦前後二鎮及同安興化諸兵分防厦門等處以杜寇萌而親統全師審候風利直搗銅山想遠竄餘氛立可淨盡而內地堅防亦可仰紓貴將軍之懸切也爲此合就咨覆

又

厦門志

卷九

咨

七

爲照去疾務盡古人明訓思患豫防兵家要旨貴將軍款列指教具見周詳捧讀之下不勝景慕但本提督自陳師以來夙夜嚴翼惟期掃淨根株以奠哀鴻所暫駐厦門未卽直搗者以一二戰傷船隻現在修整所有遠竄殘黎尙未安集且料逾氛雖未殄滅逋夥實多危懼馳檄撫諭必自瓦解乘勢窮追或成獸鬪故日遣間諜以携其心而徐整全軍以制其後進退維谷能不歸命乎李左車所謂鎮趙撫其孤馳檄告燕燕必望風而靡者是也至澎湖逆孽正在鼠竄之時計無豕突之患但防備不虞勢所必周故擬以援勦前後二鎮及同安興化諸兵共八千有餘留守

廈門料羅等處而親統舟師廓清餘逖俟奏蕩平然後分防各港以圖善後此又本提督所日夜鯁鯁不遑刻懈者也若沿邊遺孑現在顛連溝壑民命實可憫傷本提督於視事之日卽具疏 題請內開兩島殘黎皆係被脅赤子懇乞 皇上勅行克復之後嚴禁擄掠奉 旨依議在案故自攻取海壇以來一路安堵有都司掠取一羊斬首以徇此固遐邇所共知者茲以崇武一捷海逾宵遁廈門空虛陸兵進取民間家貲蕩焉一空逮本提督沿海撲勦之後師次其地徧行招徠而兩島遺孑始知有生全之樂矣但米珠薪桂賦役繁興閩省遺黎皆在水火語不足

廈門志

卷九

七

寒傷心民病傷國則當事之撫綏尤所貴將軍之設處耳投誠諸衆實宜安插給糧以鼓將來本提督糧餉無關職有所分不能越俎則垂慈憫念俾順者有安全之慶逆者懷歸附之思尤在貴將軍咨移督撫力行靡懈以固疆圉也今准前因合就咨覆

論

同邑海防論

國朝 莊光前

同爲海濱之區其形勢居要衝者有三由內港石滸而南爲嘉禾嶼今所謂廈門是也稍東爲浯洲嶼今所謂金門是也其間列巖碁布星羅在廈屬者則有寶珠巖鼓浪嶼

離浦巽薛浦巽在金屬者則有大嶺巽與小嶺巽夾巽白
與皆前後倚伏左右犄角易爲藏匿藏奸之所俱宜設備
他若高浦馬鑾高崎潯尾五通澳頭劉五店等處亦渡口
譏察之要道也沿流而東則大小擔二嶼大擔而外則爲
浯嶼據海疆扼要北連二浙南按百粵東望澎湖臺灣外
通九夷八蠻風潮之所出入商船之所往來非重兵以鎮
之不可大抵金廈兩島爲同邑之襟喉而大小擔浯嶼又
兩島之襟喉也自 國初海氛以後漸次除治烽煙永靖
昇平迄今幾於百年又蒙 國家保護之恩固已人服其
德而畏其威永無萑苻竊發矣然而汪洋之中往往嘯聚

廈門志

卷九

論

三

三五爲商船患者豈防禦之未盡善哉蓋防之之道自古
難也夫海浮天浴日浩乎不知其幾千萬里奸惡爲祟來
若鷺集去若風馳則偵探難也又鼓棹海中水郵慣習烏
合而聚免脫而散人莫尋其踪則撲滅難也且奸惡之徒
無室家之累憑島嶼以爲穴窟乘風波以恣出沒則窮治
匪黨難也因其難而防之果何道之從歟計以爲防哨得
人保守得地先固其襟喉然後可安其心腹兩島非無哨
船往來巡察也然盜衆不自顧其死而船兵各自愛其生
名曰巡察實則以不遇賊船爲幸猝而遇之有楊帆而避
已耳是以哨船奉行故事只依近港而止而海上商旅棄

而不顧斯可謂防哨之得人歟廈門各處汛防不一城寨
繕脩有加無已無庸借箸已而金門舊城在原金門所高
聳臨江目極東南爲備海要地平臺而後以城稍圮移駐
摠鎮署於後浦夫兵以衛民居金門則一望瞭然賊艘不
敢逼境今叢雜市中未免有巡哨不及之患斯可謂保守
之得地歟又如浯嶼孤懸海中抗拒海邊南境實爲捍蔽
金門之衝先是設兵以守明成化間移置廈門沿失至今
議者因有舍門庭守帷幕之喻夫王公設險以守其國兵
不居要猶之無兵若襟喉不固而心腹能安又未見其有
濟也惟是度其地利酌其可否宜移者移宜築者築宜脩

廈門志

卷九

古

者脩先據襟喉之要然後各島設防畫地分守彼此會哨
絡繹使廈之兵可會於金金之兵可會於大小擔浯嶼各
戍旣使賊無出入之路而且嚴其勾引斷其嚮導勤者有
爵賞怠者有誅罰將帥嚴於下令士卒樂於爭先則金湯
永賴矣

議

浯洲建料羅城及二鉉議

明 蔡獻臣

同安海嶼地大而山高者惟浯洲嘉禾爲最嘉禾之南中
左之所城也而洪濟爲之鎮浯洲東北四巡檢之所募置
而南則金門之所城也而太武爲之鎮嘉禾去邑五十里

一海可亂而浯洲之西則綠溪入海行六十里出澳頭而
淼乎不見水端矣其之邑則有金門渡後浦渡埔下渡平
林渡金山港鹽渡之董水則有平林渡之蓮河則有西黃
渡之安平則有官澳渡此皆內海也其東則外海爲澎湖
爲東番琉球諸國凡夷賊之由泉而南由漳而北者必取
水而維舟焉其澳最平深於北風尤隱而登岸尤便者曰
料羅故設汛以來歲勤郡營戍守汛畢乃歸承平久而戍
撤僅僅浯銅遊春秋汛及之然亦寄空名耳癸亥東紅夷
登岸把總丁贊死之於是撫鎮出二標以戍而一民居寓
兵八九人大爲民苦未幾復撤去而分金門營兵守焉本

廈門志

卷九

議

五

澳有官廳有媽宮媽宮之前營房對列兵居之近左起一
小阜其下二盤石金入海大各四五丈又左則一石如虹
直亘海中甲子夏議建銳臺於盤石上予謂三山橫亘海
外澎湖閩南之界石浯洲嘉禾泉南之捍門也曩時諸夷
風帆猶在旬月之外自倭奴潛販東山而紅夷城臺灣寇
賊奸宄淵藪往來共指同安海澄間信宿耳嘉禾澎湖設
將宿兵賊未敢遽窺獨浯易而無備實啟戎心急而圖之
不已晚乎則料羅之城詎非百年碩畫哉

書

答南二泰撫院書

蔡獻臣

夷氛尚熾秋穀欲焦此海邦之憂也年來賴公如天之覆
修政修教卽須臾間已纖毫畢照振舉靡遺八郡從茲脫
湯火而就枕席非仁人之明賜哉近聞紅夷復入浯嶼求
互市不佞臣因思祖宗設官良有深意浯嶼一片地在中
左所海中中左門戶也先朝設把總於此官因名焉嗣且
縮於中左之城外嗣且移于晉江之石湖而浯嶼遂成甌
脫往尚有城居數家汛時汛兵朝往暮歸今紅夷來必泊
之則此地之要明甚浯嶼總徒復設浯彭遊則此官之不
可廢明甚倘就本嶼建一大鉞城而撥一水哨守之多置
鉞械其中則有險可憑有鉞可攻夷必不敢泊舟其下亦

廈門志

卷九

書

六

必不敢越此而入中左也又左岸爲普照寺亦可就近寺
處建一小鉞城而撥兵二三十名守之彼此對峙鉞礮互
發夷益不敢越此而入中左也石匠惟中左最多而海石
亦最多此不過費一二千金而足且深得祖宗設官之意
客歲議設遊戎裁把總部見謂石湖可裁蓋遊戎宜居中
調度南北照管而中左所必不可不常往一遊石湖則第
以一名色總領數舟守之兼策應永寧崇武一帶足矣然
此爲無事時言耳今夷舟猖獗尚議添設裁惟浯嶼之
鉞城似必不可已也幸公詳議而創是役真百世利耳

與徐心霍都督書

蔡獻臣

紅夷猖獗幸藉大將軍威靈中左恃以無虞且師律嚴明將領知畏而士卒不擾中左之人誦功德不去口惟恐大將軍一日而離中左不佞亦數以大將軍廉勤向當道頌言之且爲傲同喜得萬里長城也然中左者同安之外戶而鼓浪嶼者中左之輔車安危共之若夷據鼓浪而以堅鉤巨舟泊其下則中左之較場一帶遂無敢往來者是斷一臂也又夷舟之泊必浯嶼大擔而其入必會照會官澳及鼓浪之左右故此三處必分兵守之而以大小銃付之又必各以小舟數隻佐之方得水陸俱宜縱無奈彼巨舟何獨不可殲其小艇乎至攻夷法惟火與銃火攻必須上

廈門志

卷九

七

風乘潮然茫茫大海吾能燒彼亦能避豈可必其遂入殼中哉不佞謂夷所畏者銃耳若黑夜用小舟幾隻載巨銃數撓之則夷舟必且損壞卽未損壞必大驚擾出必以夜防其見也舟必以小避其銃也夷夜泊則不安晝掠則有備其勢必饑而逃是制夷之上策也或又疑銃大舟小恐致沉溺似可用商船漁船價值十金者先試之於內港小舟有損則更求其稍大者小舟無損則依此法乘黑夜擊之又何憚焉若曰待其登陸而拒之則彼無所不攻我無所不守而任彼晏然游夷于風波之中卽不必勾倭通賊而沿海居民必被其荼毒此所謂養虎爲患者也惟大將

軍裁之

與蔡體國書

明池顯方

人謂溫陵文盛然錄未必才才未必錄繼未必善善未必繼乃至元不論神魁不論氣以拾唾爲正以縱轡爲奇文章之衰未有如今日也不肖強項不可效顰不能道則未觀至牛學則尚騎兩馬想無望於燃灰心猶瘡於見獵近欲周梓里竊抱杞憂如澎湖之不必多兵先人曾與許敬庵中丞言之鷺門之當設欽總先人曾與黃與參中丞言之今欲加路將裁浯彭遊路將之巡旣暫名色之權不尊泉紳愛其門戶旣假浯嶼于石湖復借路將于郡內泉視

廈門志

卷九

六

同爲唇齒同視鷺爲咽喉奈何以春秋半駐之將名色一枝之師而支吾牖戶者愚以爲路將可設欽總不可裁漳有二泉惟一可乎澎湖可移衝鋒不必另總昔轄二今無一可乎則惟轉衝鋒之師以守金門葺衝鋒之領以歸欽總則欽總之寄仍重鷺島之枕可安路將之丁健有出二欽逾峙兩翼互應每汛撥二捕船于澎以偵賊出發一哨船于金以捍賊入頭目遮固臂指運閒策之最上者浯澎陳若蒞任以來汎海不波今惜地則不可裁惜人則不可調衝鋒旣爲舊部則合併固非蛇添金門旣屬原轄則統攝又非馬腹如以柳易播則不如仍舊職之便如舍凝求

白則不如仍舊人之便或加闌司而爲路將裁可也或併衝鋒而歸浯澎勿裁亦可也惟此二策公肅詳達于當道如先人之達許黃者爲地方非爲陳也

與闕褐公書

池顯方

承下詢地方最要者敬陳四條以便俯採一移選鋒營同安負山襟海海達兩洋山通四縣良奸雜處稍以法繩或逃遠島爲蜂屯或避他邑爲鬼窟或接濟而駕艇夜出或勾引而誘寇突來粵若逼糴而窮戶賦鳴鴻矣官稍離縣而勢豪張碩鼠矣欲設一關而孔道之中復有閒道欲置一旅而加征之後難以重征竊惟同安最衝者中左所次

廈門志

卷九

九

衝者石滬也中左隔海距縣七十里既有浯銅泉標二遊以衛左右石滬濱海距縣十里人煙輻湊土城久圯前被賊李魁奇突入焚掠無以禦之選鋒營陸兵三百名駐札中左城內今海波稍靜山寇可虞如前年寇奪我舟水師復爲陸用選鋒兵未見奏績且株守中左島上有急則卹擔二遊縣中有急則托言阻海合無將選鋒營兵移守石滬如遇海警則水師守門戶選鋒守咽喉或值山警則選鋒爲前矛鄉兵爲後勁又逐月之軍精就給本縣旣足杜其侵欺有出人之武藝俾教鄉兵復可廣爲團練此不費官帑一毫足收陸兵實用也一議浯銅遊浯銅舊惟一纜

近以地遠難馭分爲二遊左遊轄自舊浯嶼至鎮海崎尾
右遊轄自劉五店至官灣圍頭上達泉界下抵漳封犄角
互牙最爲善法第舟一日不在汛則起萑苻之窺總一日
不在舟則生哨捕之玩今二遊總皆駐中左逢汛暫出雖
歷難周若寇過洋旣乏狼烟之報及舟馳救徒爲馬腹之
鞭合無令左遊收汛駐舊浯嶼出汛巡浯州等處右遊收
汛駐劉五店出汛巡金山官灣等處遊擊駐中左帶泉標
遊一枝稽察兩路庶外洋之聲息易通內地之藩籬益固
矣一練鄉兵鄉兵多臨時召集致手噐不相調倉卒派精
致貧富互推諉又保長脫壯丁而混充其名侵科歛而不

廈門志

卷九

三

果其腹夫操戈矛者令兼耒耜難也挾弓矢者俾挾餼糗
又難也今有一法兵農可兼緩急可賴者同安七八百保
合無每保擇一善射者教以射善銃者教以銃民于農隙
習射與銃錄爲冊以月報縣試之精者賞之無事則耕而
以射銃爲獵有事則片紙號召一保取數人或一人焉可
得數千人之用矣然後令殷戶釀錢養之如坂尾保善飛
石五峯保善藥弩以助禦敵雖精兵不是過也一實倉廩
同安田窄烟稠貧民以粵糴之通閉爲豐歉富人以米價
之高下權竒贏當炊玉之時而富者之慳甚於惠潮故穀
直口騰乃儲胥獨少縣倉有穀而未盈高浦金門二所有

倉而無穀中左所無穀并無倉古者三年收有一年之蓄
今者數年蓄不足支數月之饑况無蓄乎合無于實者培
之虛者補之穀艘常通長納如坻之粟豐年必積永存不
涸之倉此足倉之先幾救荒之上策也

與姜青芝書

池顯方

聞當事者議割中左入漳敬獻美言用籌梓里中左所在
海島名嘉禾里延袤四十里古隸同安洪武年始築城徙
永安衛中左千戶所官軍守于此陸行至同安潯尾地渡
海三里距海澄渡海四十里嘉靖四十四年割龍溪漳浦
地設海澄縣前年漳叅將出汛駐中左後以難兼制兩郡

廈門志

卷九

三

始設泉南遊擊鎮中左澎湖遊擊鎮料羅海外共禦寇之
北下漳叅將原議節制泉澎今駐銅山以禦寇之南上如
遇劇寇泉澎二將扼之于外漳將移駐海澄圭嶼控之於
中是衛泉實衛漳也若割同咽喉入漳門戶則築澄城時
已知重地之不可瓜分若地仍同籍轄借漳師則設泉遊
時已知漳將之不能獨任若謂賊來恐澄不知則海澄遊
有水兵快船十隻可以偵探若謂此漳門庭不宜委鄰代
守則固同門庭原與漳共守又泉師外禦倘澄邑有警皆
爲同舟之風如漳師改轄倘同邑有警未必爲纓冠之救
况一所俱屬泉軍籍餉旣難頓改又兩郡雜居孤島奸宄

何以稽查如前夷寇突侵合三路之戎尚費抵敵豈今泉
遊別徙使極衝之地獨責漳師是審遠近之情形權緩急
之利害萬不可隸漳者也

上滿制府論臺灣寇變書

國朝 藍鼎元

臺灣僻處海外狃於治安久矣朱一貴突爾跳梁戕害官
兵竊踞郡縣雖曰猖獗之極其實不難平也無賴子弟偶
爾烏合尚未知戰守紀律爲何事當卽命將出師星夜進
討如步焚拯溺勿容稍緩彼不意官軍猝至必將手足忙
亂倉皇散走渠魁大憝自可聚而殲旃此迅雷不及掩耳
之道也若俟奏報請 旨而後發兵動逾數月賊膽必

廈門志

卷九

三

大規模漸立謀士漸出羽翮漸成則燎原之火正須大費
撲滅耳控制臺灣惟廈門最爲扼要形勝所在便于指揮
執事在省隔遠莫如疾驅南下任劄廈門督師進剿籌畫
糧餉諸凡機宜呼應便捷且內地莠民不無乘虛鼓煽或
謀嘯聚搖惑人心若檠戟一臨則羣疑自息執事曠世鴻
才必有奇謀上計滅此朝食非鄙人所能窺測惟是養軍
千日盡在一朝 國家不吝爵祿施及下材未有毫毛小
效補報萬一敢以此疆彼界之殊非在職守之內袖手縮
頸晏坐而旁觀哉願執事假某水陸萬軍舳艫三四百艘
請乘長風破千里浪爲執事一鼓平之

記

金榜山記

宋 朱晦菴

金榜山在嘉禾廿三都北有嶺曰薛嶺嶺之南唐文士陳黥公居焉嶺之北薛令之孫徙居於此時號南陳北薛閻公十八舉不第作書堂於上人稱曰塲老山澗有石名釣魚磯堂側石高十六丈名玉笏所居有動石形甚圓每潮至則自動天將風則石下有聲名虎礁宋宣熙中邑尉張荔咏嘉禾風物有尤喜石能翻之句正謂此也宋淳熙二年春新安朱熹謹拜讚曰猗歟陳宗濬發自虞協帝重華順親底豫克君克子裕後有餘胡滿受封平陽繼世至於

廈門志

卷九

記

三

六年節義尤敷更考相業聲名不虛深策釣隱高尚自如爰及五代配天耀祖剖符錫袞遍滿寰區更秉南越有分開土宋室納款臣節弗渝丕顯丕承此其最著子孫繩繩別宗寡侶源深流長猗歟那歟

玉屏書院記

國朝 白 瀛

同安自紫陽朱子子邑簿建高士軒畏壘庵倡道興學聞風踵起者代有傳人如林次崖以理學名洪芳洲以文章著蔡元履以經濟稱其他彪炳史冊者未易罄述廈門於同一都會也連山環海涵天浴日之區衣冠藪焉勝國隸中左所舊有義學立於玉屏山麓是山也迤邐城東隆然

聳出遠矚滄溟則列島浮空金門溘與壯學海之波瀾憑
眺郊陬則橫峯拱翠金榜魁星標文山之竦秀昔時人文
傑出地靈殆有助焉自海氛鞠爲茂草矣我 國家底定
海宇文教誕敷前威略將軍吳公沿其舊始建文昌殿關
部郎中雅公復構朱子亭增置旁舍爲師生課義所彬彬
濟濟稱盛一時倪總戎封君任中協時嘗捐俸經理居無
何絳堂漸虛生徒落落黨庠術序竟作琳宮梵宇夫以吾
儒橫經之地淪爲淄流卓錫之鄉官斯土者曾弗過而問
焉母乃昧於急務歟余以謏材奉 命觀察海疆覽其

山川風土之美與夫文物聲華之盛思與都人士共相切

廈門志

卷九

三

劇仰副

聖世棧樸作人盛典適總戎隨菴倪公山南

溥移節斯土欲繼先志重興之而縉紳鄉先生林君翼池
劉君承業廖君飛鵬黃君日紀與諸生慨然起而任其事
余曰善哉紹先業而啟後進敦人心而茂風俗所謂一舉
而數善備焉者也余不敏敢不敬承爰馳檄有司肅清堂
宇毋滋僧徒鳩居其中復斥地而廣之址仍其舊制維其
新左爲文昌殿右爲講堂堂之後巨石屹立如削玉屏之
所由名也上爲集德堂新朱子之像而祀焉東偏爲仙真
祠宇增而新之西架萃文亭中植魁星碑巍然高踞俯視
一切由亭而下迴廊齋廡用舍師徒庖馭庫無不備且

門庭爽塏位置錯落水石巖珠黝聖丹漆之工既畢一級
始事於乾隆辛未十月以癸酉十一月訖工糜白銀二千
百兩有奇余同都督全菴李公總戎隨菴倪公前司馬澹
菴許公今司馬松山四公捐俸首倡餘則紳士及慕義之
家所樂輸而成也自是議膏火立規條將有明師碩儒以
造吾後生小子者俾海濱鄒魯之風蔚然再覩則與高士
之軒畏壘之菴後先輝映豈非千載盛事哉昔韓退之有
言曰莫爲之前雖美不彰莫爲之後雖盛不傳余喜總戎
公之克勝堂構又幸同時之賢士大夫相與有成共繇然
澤於不朽也因誌數言勒諸豐碑職其事者孝廉姚文山

廈門志

卷九

三

倪邦良貢生林秀琦黃名芳辜義越陳文榜監生陳邦彥
張錫麟林豐椿也往來襄理則石潯巡檢陳自芳與有勞
焉例得金書至捐貲姓名別鐫諸石乾隆十八年癸酉嘉
平月穀旦立

重脩玉屏書院碑記

國朝 周 凱

廈門一島居泉漳之交分同安縣十一里之一里曰嘉禾
里無學校而設書院書院有二曰玉屏曰紫陽玉屏在城
東南隅玉屏山故名齋舍鱗次山海環拱勝地也中祀
文昌文武朔望禮焉殿宇宏隘雨則僚屬不能展拜而
武廟在城西南隅建自康熙初水師提標五營新之規模

宏壯視此偉焉余自蒞斯任時與廈防同知謀別建紳士
粗於擇地之說終無成道光十五年春董事請修玉屏書
院余往度之殿後有隙地二弓拓入殿即闕敞蓋向者建
置之未善也謀於提軍陳公醵金改建令營匠構造專弁
監工三閱月而工成費實錢六百餘筭殿廡敞邃雖不及
武廟煥然改觀矣由殿而東爲衙山閣崇德堂漱芳齋芝
蘭室賣詩店殿後爲朱子祠亦曰集德堂祠西爲萃文亭
三台閣靜明軒仿胡齋下爲講堂皆書院齋舍及游覽處
也向之修建也歛士商錢一二紳士董其事書吏雜其間
多濫費工不堅余乃倡爲各修法有願修某室者捐資自

廈門志

卷九

三

爲之無經書吏手於是舉人呂世宜李應瑞修萃文亭遷
魁星像其中生員林錫朋修芝蘭室貢生楊士僑修賣詩
店職員陳聯恭修漱芳齋吳廷材修三台閣童生張福海
修靜明軒監生郭懋基修傲胡齋職員吳文昭與其族人
重建朱子祠衆典商重建衙山閣崇德堂而舉人凌翰與
其弟屏亦修福德祠次第興舉彼此爭美較前又加華焉
講堂在殿西尚完好有吳秩南任新之築基五尺別爲門
以便主講者出入凡再閱月而落成請余爲之記將伐石
陷諸壁余維書院所以廣學校之教也廈門雖分同安之
一里而士則四方咸集不僅同安也貨財所聚民以富足

故事易舉好義者衆也顧余更有進焉將以是爲華觀乎抑將有人焉讀書其中明先王之道希聖賢之學求諸身心無愧 神明以儲 國家之用乎余雖不學觀察是邦五年矣士有淬志於學者余當進之於道以無負諸君新之之意至於書院興始詳於前人載記捐輸姓名銀數書之別碑茲不載

周公祠記

高澍然

廈門環海而它南通諸番東控臺灣西北引漳泉海賈屯聚民多客戶作閩南一都會爲最要區 國家宿重兵建軍門設興泉永海防兵備道鎮撫之地斥鹵多石少田仰

廈門志

卷九

三

食臺運外米不至豐歲亦歛民性悍輕不通官語號難治故選人特嚴今觀察富陽周公初由編修守襄陽教民種桑興習池水利衣食襄民分巡漢黃德道築隄京山扞漢水皆百世之利聲聞 天子會公母喪外除 詔起

公今職以道光十年冬十一月至任公牖頑馴暴信賞必罰正已帥屬成就約束二府一州頓易觀聽廈門密近公化如戴二天制府程公累以海疆可倚之員入 告故六年不遷而公之政成先是廈門有義倉貯穀四千石玉屏書院積六千金歷久日耗公曰書院經理非人宜其蝕也其屋敝漏不能棲學者僅月兩課應故事何異虛設義

倉平賈食餓人無以贍之則歲虧累發且盡矣然義倉故有湖蓮保田爲海潮所齧埭壞入鹹水田遂荒薛氏有田三百畝與義倉田相毗久成沙鹵而賦未除薛氏苦之以獻公往相度給廢田直築石埭二百一十三丈土埭一百一十七丈以捍潮汐引泉鑿河通溝洫設閘啟閉以瀦水費八千餘金而二田俱復分畝清丈計戶授田而免租三年聽種雜糧泄鹵氣比入租以八斗五升當一石如下劑致毗法歲可入租千餘石利溥而可久民不患饑其書院創認脩法占地程功可期堅好公與提督陳公作成同修文昌祠爲倡一歲落成選公正者司出納充以罰款漸復厥

廈門志

卷九

天

舊公時至院與諸生講習諸生住院者數十人弦歌不絕公兼授古文義法于是廈門有古文之學廈門士民感公教養之成足垂久遠就書院崇德堂爲公祠別儲錢數百緡生息備異時春秋享祀之費屬澍然記澍然時掌教書院見諸生彬彬向方勝于中州屬時久旱民無愁歎之聲喟然曰公之治效可睹矣其百世祀也宜哉案漢石慶相齊國大治齊人立石相祠蓋生祠所昉是祠不別建就並書院如明代尸祀于浮屠老子之宮非公令所禁可謂得禮意矣爰記公治碑諸祠南彰示士民毋忘公德公名凱字仲禮學者稱芸臬先生光澤高澍然記

紫陽書院記

鷺江紫陽書院始自康熙年間司馬范公廷模所建中爲
祠宇祀 徽國文公後設講堂左爲學舍齋厨畢具相繼
官斯土者皆延師主教完葺以時逮近而傾圮甚矣乾隆
己亥冬紳士王經綸會朝英林雲青李國典等呈請於司
馬張公朝縉公以振興文教爲有司責於是清其蕪穢捐
俸倡建慕義君子欣然赴之董其事者林陶光林鍾楊必
魁陳應清楊漢章林爲洛金梧林耀華李玉華姚狝王弼
楊和何芳春黃克明盧懷璣觀察張公棟又捐俸以成之
工與於庚子六月告竣於辛丑三月計糜白金二千七百

廈門志

卷九

三

餘員其捐貲爵名姓氏別爲臚勒以表好施將來置膏火
立規條以綿教化崇先賢之祀則亦良有司與同人之樂
善者能爲其繼焉爾乾隆辛丑紳士公立

新建廈門義倉碑記

國朝 倪 琇 竹泉

我 國家累洽重熙民康物阜雖在海隅日出罔不耕鑿
順則休養生息於數百年之深咸五登三漢唐以來所不
數見者也然或旱乾水溢天時不可知斥鹵塗泥地道不
必一老幼廢疾人事不能齊於是參贊運其經綸久大垂
爲功德廣周禮脩荒之政酌冢宰制用之經誠莫如義倉
之美且備焉蓋義倉者所以濟天時地道人事之窮也神

明乎井田之法而義取先公變通夫保甲之名而意存相
郵當其常急公共效量其力以樂輸當其變任郵咸周因
其利而不費義倉之有益於儲備也大矣况子朱子崇安
小試尤閩中所傳誦弗衰也乎此制府趙笛樓先生以好
古之深情爲救時之善策而孫制軍韓撫軍所繼美而贊
成者也蓋以實學行實政本仁心著仁聲受 朝廷簡在
之恩爲廬井救荒之政諄諄焉以貯穀設倉相勸諭此足
見仁人君子之用心有非已溺已饑所能盡者庶幾晦翁
廣惠之遺意得與凡百執事共質之而共明之也夫存心
愛物雖一命其猶有濟也况余忝居詞苑歷職諫垣向者

廈門志

卷九

三

命巡視南漕竊遠慕于駿之長材私淑鄭侯之成
法矣今則洋洋濱海地廣民稠所謂宣上德而達下情者
其余之職也耶然而蠻雲瘴雨則天時之賜煥不能符海
澨山陬則地道之土宜不能辦蠶民漁戶則人事之錯雜
不能均遇豐稔之年卽庚癸毋呼尚賴全臺之輸輓值凶
荒之歲覺丁男漸散頻聞中澤之磬鳴此大府所惻然而
豫爲籌而在余尤皇然而襄乃事者矣且夫作事貴乎謀
始爲政在於聞先獨斷者無功同心者共濟余之有志於
紫陽之善政而欲創立義倉也久矣所患責人無已而不
捐清俸以倡先聲抑或助我何人而弗破慳囊以完善果

耳茲乃樂善好施之士念及粉榆急公尚義之偉情殷桑梓爰擇善地庀美材鳩良工百堵於焉偕作也且立董事酌條規黜胥役庶事期以不隳也經始于道光乙酉年落成於道光己丑年猗歟休哉災祲可不作也磽瘠可無傷也缺憾可漸復也蓋義倉者所以濟天時地道人事之窮也余敢自以爲功哉益以思各大府之惠心惠德爲不可沒矣而尤幸廈門慷慨捐輸爭先恐後之大有人在是以樂觀厥成也况大府封章入告天家勸賢獎善之典正未有艾乎余監司廈門忽忽八春深愧毫無善政以對諸君子惟建立此倉差強人意而尤望後之爲監可

廈門志

卷九

三

者增高繼長克成數百年不朽之盛事也乃樂秉筆而爲之記

義倉埭田碑記

周凱

廈鎮義倉前福建興泉永道倪竹泉先生奉大府檄所勸設盛舉也士商捐銀三萬餘建倉於深田買田湖蓮保歲入租以實倉其田瀕海藉隄爲護土人呼隄曰埭亦曰海岸呼田曰埭田言非隄不爲功也尋爲海潮所齧隄崩鹹水間有侵灌租入不足余繼斯任屢思建復而費不支越五年倉有嬴餘林後鄉薛豹率其族願獻廢田於倉請築隄詢之司事者僉曰可道光十四年十二月余親往履勘

田與舊所買田相毗連外隄久廢田成沙鹵故曰廢田薛
姓父老泣而言曰自隄廢力不能築吾族無所耕種大姓
又竊其石去益廢而糧不得免催科日迫人丁流散與其
捐於海不若捐於倉爲佃猶得歲食租之餘余心憫之計
外隄長二百一十七丈需石計用石二千八百餘丈內隄
長一百一十丈需土工省統計工費五千餘兩廢田計種
三十九石五斗九升舊田計種四十石六斗九升歲入租
可一千六百餘石余曰此十世之利也非惟薛氏子姓得
所養義倉實城鄉村社歲荒均得沾溉令估值給薛姓廢
田價實錢二百筭曰無令後世謂爲捐獻也乃鳩工興始

廈門志

卷九

三

於十五年正月十有四日六月石隄成閏六月土隄成於
是分畝丈量計戶授田其得田若干畝引泉鑿池開溝爲
瀦蓄設涵洞以時啟閉聽佃民三年自種雜糧宣洩鹵氣
三年後入租永爲義倉之積報明大府咨部立案又懼小
民之無知也榜示曉諭名外隄曰義倉石埭內隄曰義倉
土埭統謂之義倉埭田便民稱也俾鄰近鄉村顧名思義
其相保護知爲義倉之田非薛姓田也建房宇爲收租守
隄者之所居定章程歲時輸納之法立石記事垂諸永久
余之盡其心力者止此是所望於司事及繼任者以時稽
察毋使滋弊云

蓋聞不齊者生民之氣數轉移者用世之權衡天留缺陷則以人事爲之補救人有所危則求利濟而期得所西銘曰凡天下疲癯殘疾憊獨鰥寡皆吾兄弟之顛連而無告者推斯語也舉凡負性之儔會生之類皆不忍忍視矧牧民者目擊皤皤白髮呱呱黃口無生之樂有死之哀猶能晏然已乎甲申秋杪予奉命調任興泉監司乘剔弊之後首以去蠹除奸察吏安民爲務如是者行之期年商櫓不驚萑苻無聞出入息人安恒業之常偶因祈禱雨澤行歷郊野見道旁有遺棄之嬰兒野外多未埋之髑骼

廈門志

卷九

三

而羸老孤貧又復乞憐號泣心竊怒焉傷之細求其故蓋廈門內接漳泉外達澎臺四方來往者實繁有徒一但旅邸無依非零落于陌路卽轉死於溝壑勢使然也而閩人習俗凡女子遣嫁夫家必計厚奩故生女之家每斤斤於後日之誅求輒生而溺斃更或貧乏者村不能自存僉生男而溺之余思天性寡恩大乘倫理異鄉失路誰切饑溺因與廈防黃司馬謀興晉濟堂以代其養黃司馬告以廈門舊有育嬰堂一所規模初備係前署觀察今湖南廉鎮官所建緣未置義產未治器具以致竟成虛設余首捐廉俸貯庫黃司馬見而欣悅亦同捐廉俸不數月間聞風慕

義者捐至伍千圓署廈防張司馬請置義產余以事聞於制府蘓公中丞莊公方伯錢公廉鎮余公均許其可於是新屋宇治器具定立規條慎重行之易其名曰曾濟期事有所兼及惠有所益施也其大端或僱乳母以哺嬰孩或募老嫗以恤弱小或給口糧以養衰老或設醫藥以周貧病或施棺木以瘞旅亡或掩骸骨以免暴露俾少有所長老有所終生遂死安而已其細目則爲之立年限以定婚嫁隨寒暑以給衣食嚴內外以密防範別勤惰以分賞罰治膏腴以供經費選方正以司出納一年之用度幾何終歲之收養幾何堂有書記官有冊籍班班可考庶幾期

廈門志

卷九

三

斯堂於不朽耳非所謂生民不齊之數天留缺陷之事將求利濟而期得所者以行補救之術也哉維時共勸其事者則有 提帥吳公臺灣總戎甘公觀察張公郡守秦君興化守佟君泉州守陳君永春牧嘉君海關司權彭君中衛參戎朱君署中衛遊戎金君廈門司馬黃君建寧司馬張君金門別駕梁君莆田王令仙遊胡令晉江方令惠安楊令南安靳令安溪朱令同安吳令德化王令大田汪令與夫庶司衆職各捐廉俸有差而鷺門之薦紳父老官司職役尤權折鼓舞相樂輸而無吝色猗歟休哉何善之所歸人有同好竟若斯之不謀而合捷如轉圜者歟余因始

其事志其行爲之刻石以紀其一石紀官爵姓氏施與數目所以明不朽也又一石紀批詳年月田畝錢糧所以垂永久也若夫林林總總孳息彌蕃存活日益多經費日益廣俾斯堂之得以常留而不墜老少之永亨利賴而無窮則侯夫後之君子余實有厚望焉是爲記

醉仙巖記

明朝 倪 凍

山距城半里許山之麓古傳醉仙俗循其名不審何謂忽小童見積沙有小竇匍入持一磁爐奉祀池大夫集耆老募工開鑿中有石瓦汗滴滴下聚於石竅竅深近二尺水常滿挹之復滿水漿色味甘恍似錫山第二泉可爲酒其

廈門志

卷九

三

名醉仙以此故乃築小井前後各室一區塑九仙祀之余以公務至城陟其上疊翠金峙城垣盧舍環抱足下海潮隱隱有聲兵舟賈艇旗幟鍾鼓之狀或遠或近應接不暇亦大奇矣夫方其歷於沙磧也樵夫豎子之所不視及其成巖大夫士衣冠拜之詩酒樂之終歲無虛日山石亦然况士乎不遇知己誰爲之開沙磧而顯柱石之用是故叔向之識禮明師德之舉仁傑世不稱士而稱用士者余生平推服大夫而嘆其用之未竟故有感於石而記之時萬歷癸未仲春書

鷺門山行記

國朝 張對墀

歲在著雍困敦之蒲月筆耕稍暇偕一二解事門徒自後溪買小舟棹至鷺門港觀所謂南溟天池者縱覽逸津舸艦由水登陸命土人引道至衿衿入村落數折而遙徑路宛轉絕處忽通告者曰此白鹿洞也疊石插天中藏蘭若數椽門外險仄附以木版著以疎欄時山屐方碎揮汗如雨稍憇大石下覺有嵐色襲人憑欄遠眺見海潮拍岸似逼欲濺人微風飄飄自欄外至令人忽想北牕羲皇侶也須臾微汗稍收間道過虎谿石壁嵯峨曲徑幽邃亭榭則畫棟飛雲樓閣則珠簾捲雨席草而坐望山頂石檻遙聞禪房深處隱隱有小兒咿唔聲因低徊久之山行四五里

廈門志

卷九

三

許至萬石巖巖下有水一泓清淺可人徑路幽隱大類漁父問津處至寺門有小路自上而下穿石穴孔流水潺潺紆回屈曲萬竅玲瓏時露天光平處宜偃卧廣處宜置食榻幽處宜趺坐洿處宜濯足高處宜挺身直立低處宜鞠躬繚繞往復約里許方出石外通上巖焉時片雲微黑急雨驟至點衣如風落松子呼寺僧汲水煮茗連吃盧仝七椀而山風已送雨過別墅矣南會陀寺者靖海將軍建也寺面海背山衆石磊磊可愛左有石形似鍾旁產一石槌橫側似欲撞鐘狀右有石形似鼓旁產二石槌金懸似欲擊鼓狀寺後有石洞大書六月寒三字洞中石几流水過

其旁聲綜滌人人耳殊爲可愛遇舊子姓遊僧若愚者邀入共坐談視髮後滄桑不覺人語與泉聲俱長云遊興未闌回故道復步至碧山巖上絕頂觀海過磊泉而歸夜宿巨艦中更闌潮湧但聞奔騰澎湃聲水漲舟浮枕席皆動恍疑方丈瀛洲巨鰲未戴時也凌晨起盥漱東方未曙殘月疎星錯落映水上下如珠璣顧而樂之少頃主人告余曰有雲頂巖者鷺門勝槩也盍更往觀乎迴首偶望見白雲依依歸思忽動姑置以爲後圖而自是扁舟命回復爲木石鹿豕中人矣

興泉永道內署記

國朝 德 泰

廈門志

卷九

三

使署由大堂而進爲川堂有樓是名天一堪輿家以南峯火星太旺故顏是以制之義或有取今仍其舊由川堂折而西周迢迢廊有堂翼然曰承恩堂堂之前爲射圃余旗人不敢忘勞閒日輒於此懸的焉堂後巨石成屏屹然吐潤特拓後軒以對之卽佐岳軒也循石麓翼欄而上爲半亭亭容一几一榻西園院落於是乎止由川堂折而東石歷之徑爲涵山閣是閣也仍舊之半而特闢前庭覓欄而觀則海上諸峯如萬石太平仙巖虎溪白鹿譚勝無不至竒獻秀縈繚階砌客曰小齋甫拓山翠環來無障礙心與民相見義或是耶余以其言佞箴閣東巨石之巔爲聖帝

廟滿逕榕陰蒼翠襲人曩逕南置官厨余惡其褻也亟改之穆然以清窈然以深神所憑依將在於是爲我民福矣出閣門折而南行凡南向屋三重西向屋數列向購自民間雜綴而成者今皆院落軒豁自此徑北歷階直上又躡級而升爲觀月臺臺東爲瑤圃春暉堂堂後一帶直接西園後山署內最高處也已上總爲內署房宇大略蓋使署限於地而使署又限於資擲第締構自謂頗費匠心臨落成而使署幸遷一秩客嘲使署者乃爲新繡衣勞勞版築耶余曰錦江鄂渚獨非使署者舊遊也哉郎謂掃徑以待故人奚不可也蓋接任者爲臨桂邱公故云乾隆五十九年甲

廈門志

卷九

三

寅小春月東海德泰記

來同別墅記

鄭纘祖

大將軍施公受命專征旣平海國秉鉞坐鎮于吾郡之廈門城小而壯爲東南舟楫輻輳地左挹山光右收海色萬頃滙瀾諸峯競秀有負山襟海之勢軍旅之暇公于府治後因地高下爲園爲堂爲齋爲亭爲軒窓臺榭各極幽曠地故多巨石又從而松之竹之梅之桐之大不盈數畝高出城上俯瞰內外如列眉睫間予客其中四閱月悠哉忘返客有問予曰美哉園亭所以命名其義可得聞乎予應之曰可夫園曰涵園言海也涵萬象也堂曰足觀觀於海

而足也示不驕不吝也亭曰青礪曰介亭枕漱也帶礪也
介于石也不苟取也齋曰旭齋軒曰醉月昭其明也曰指
昇遠不忘君也曰羅浮懷彼美也客曰美哉園亭其義我
知之矣然則園之外有曰來同別墅其說何居子其更爲
我言之予曰難言也雖然嘗聞之矣其在詩曰徐方旣來
徐方旣同天子之功公其以臺灣新入職方猶徐々之來
同歟論曰有朋自遠方來易曰同人于野公其樂與賓從
遊歟抑外國之梯航來此者于以見車書之會同歟或曰
公起家于同厦同地也公其復來建牙歟別墅賭碁也以
其志澎海之奇捷歟是皆未可知也然予見公鑿海築隄

厦門志

卷九

三

引流入池藏巨艦焉其易也如覆杯水于坳堂以芥爲之
舟公固有移山倒海之規模園亭結構其小焉者嘗贈予
初度詩曰臘月青霜梅吐妍乾坤轉運却知年公之胸懷
高曠又何如知其命意遠矣然則未可知者未之知也其
可知者又豈能盡知之哉客喜而笑相與踞石引滿陶然
而醉不知月出于東山之上

快園記

國朝 許原清

厦門廳事後依山爲園古木陰翳怪石林立有洞有泉
亭有臺面漳海臨浯泃大擔小擔峙其前滄波灑瀚檣
萬里每一登眺快然于心因名之曰快園有笑于側者

快似非子之所宜言也廈門咫尺地耳據泉漳之交扼臺澎之要爲全閩之門戶番舶之所往來海運之所出入商賈翔集則奸宄易生物產麇至則稽察匪易 國家特設水師提督官駐劄其地謂其險也縱鯨鯢旣殄波濤永恬鑒前事于已往防來者于未然吾恐官斯土者方且憂勤惕勵之不遑夫何快之有余曰不然子之所言者政也事也余之所快者境也遇也易曰終日乾乾夕惕若夤子思子曰戒慎乎不睹恐懼乎不聞吾人處身涉世何時不當淬厲其心况忝居民上乎然物之至堅者莫如金磨之久則陷至勁者莫如草引之急則絕心亦猶然無以休息之

廈門志

卷九

罕

吾懼其陷且絕也抑心虛物也無所寄焉則易動休之維何亦以其所悅者娛之娛之則莫若境與遇矣方今 景運昌隆寰海鏡清明良喜起廢于朝臯夔稷契宅于外量才任使無所不庸而予小臣者亦得側身其間以展尺寸之長此快之遇于時者也閩自臺陽入版圖因糧爲食民以豐足海濱弛遷界之禁外夷得通市之樂雨暘時若烽火無聞此快之得于閩者也廈門介乎漳泉而無漳泉紛紜擾攘之習民氣安恬訟獄稀少朝而理焉日可食夕而理焉夜可寢又快之獨得于廈門者也于是以政事之餘閒選園林之幽勝舉步卽至不煩輿從也奇峯異石天然

位置不假穿鑿也樓觀臺榭前之人所經營也滄溟在目
烟波無際風雨晦明變幻萬狀似天之設此景以娛吾心
目者也游焉息焉惟意之適緬維身世海濶天空快何如
之夫久渴者酌清泉而易歡遇平林而思憩日逐逐于簿
書執掌間得瞑目少坐便已快然况園林耶不然平泉花
木之記辟疆詩酒之場其勝概有什伯于此者吾何快于
斯園哉

玉獅齋記

池顯方

鷺城如斗內巨石有九古榕十有二而北石居其五榕如
之惟龜石最高二榕盤之獅石最奇一榕覆之二石距不

厦門志

卷九

聖

數武余齋右枕龜而門面獅也丁巳秋夢騎青
獅執玉如意因結茅於此時先嚴訝其僻小遂不任臘月
羅大疾越年六月稍收神簡書苦無靜館復左接椽對山
右築亭傍樹而同一門故統名玉獅也廳有三以丈計庭
有二以尺計房有四以指計窓有八以目計垣外人家有
千遙山有萬以意計榕本茂不值花地本高不架樓客本
少不掩戶海之勝亭收之山之勝齋收之雲烟風月之勝
樹收之而合諸勝之勝則主人收之然至風雨晦冥之時
人跡既稀山鬼欲泣聒耳淒腸有泣然而不禁矣夫獅智
物也至人用智而不任余因讀書數月以答山靈仍前

不在以遵嚴命云戊午仲冬三日

虎溪巖記

池顯方

鷺之虎溪山一名玉屏山秀峭嶙峋人蹟稀至乙卯冬余尋幽到此心賞奇觀因建刹名玉屏左爲大雄閣稜層洞夾天逕後爲石室上爲雙鯨石又爲六通洞宛在洞秣陵將軍胡真卿視師海上以磴道紆迴大費遊屐砌石亭於腰枕山瞰海名嘯風亭夫陟危石者目瞪多華足企多繭氣奔則顛神泄則搖故有層巒絕壁以役之必有利與洞以休之有利與洞以役之必有亭以休之而後目不華可以睨六合足不繭可以躡雲衢氣不顛可以通帝座神不

廈門志

卷九

聖

搖可以攬太虛則斯亭其須彌之日官寶所之化城也然則何以曰嘯風從虎名也亦將軍自寓也

序

穎川先生集序

唐黃滔

唐設進士科垂三百年有司之取士也喻之明鏡喻之平衡未嘗不以至公爲之主而得喪之際或失於明鏡或差於平衡何哉彼其負不羈之才蘊出人之行歿身名路抱恨泉臺者多矣嗚呼豈天之竟否其至公也抑人自坎其命邪穎川陳先生實斯人之謂歟先生諱黯字希儒父諱贄通經及第娶江夏黃夫人賢而生先生無昆仲姊妹十

歲能詩十三袖詩一通謁清源牧其首篇詠河陽花時面
豆新愈嗜之如豆牧戲之曰藻才而花貌胡不詠歌先生應聲
曰玳瑁應難比斑犀定不加天嫌未端正滿面與裝花繇
是聲名大振於州里十七爲詞賦作蘓武謁漢武帝陵廟
賦便爲作者推伏二十爲文先生松姿柳態山屹陂注語
默有程進退可法早孤事太夫人彌孝熙熙愉愉承顏侍
膳雖隆雲路之望終確綵衣之戀而及其子蔚冠太夫人
勉之曰付蔚於潘岳之筵俟爾於郗詵之桂方於鄉薦求
試貢闈已過不惑之年矣乃會昌乙丑逮咸通乙酉其間
以宦家兼在疚之斷絕往來吳楚之江山辛勤秦雍之槐

廈門志

卷九

序

三

蟬歎嗟知己之許與與同郡王肱蕭樞同邑林顥漳浦赫
連韜福州陳蕘陳發詹雄同時而名價相上下嗚呼斯八
賢皆以不羈之才出人之行懇懇乎進趨恂恂乎鄉黨而
無所成豈天之竟否其至公耶抑人自坎其命耶俾有司
失其明鏡差其平衡之如是結冤氣於名路之中銜永恨
於泉臺之下豈不甚歟先生之文詞不尚竒切理也意不
偶立重師古也其詩篇詞賦牋檄皆精而切於官試尤工
某郎先生之內姪也少而趨隅頃隨註之歲先生下世後
一十五年而忝登甲第東歸之求遺藁其季子蓮泣曰兵
火也少得其文三十一首賦若干首他處得詩若干首敬

俟增而後述天復元年某叨闕相之辟旋使錢塘與羅郎中隱遇隱曰咸通初與先生定交於蒲津秋試之場賦則五老化爲流星詩則漢武橫汾先生之作也爲試官嚴郎中都之吟諷秋場五十人之降仰今遺藁可叢願序之旣還不及求增謹以所得之文賦詩牋檄分爲五卷抹淚擗管爲之前序將寓正郎爲之後序正郎負宇內之雄名用釋泉臺之永恨時天復二年秋七月也

穎川先生集序

唐羅隱

穎川陳先生諱黯字希儒曩者與余聲跡相接於京師各獲譽於進取咸通庚寅歲膠其道於蒲津秋試之場自後

廈門志

卷九

器

俱爲小宗伯所困不一某甲申春告余以婚嫁之牽制東歸青門操軌之後余亦東遊逮大梁時故杭州盧員外溥在幕齋其文軸謂余曰陳君罷而歸豈期斯文之終窒乎子東及之爲我歸其文而檄其來余至維揚及歸其文遵其言相歡月餘而後別我謝范陽公龍門之役不復顧矣由是音塵杜絕天復元年四門博士江夏君通家相好於吳越面余論及塲中曩之名士及希儒之表也余不覺愴然懷舊明年黃君以其文章德業以寓俾余繫述遂得申斯言嗚呼大唐設進士科三百年矣得之者或非常之人失之者或非常之人若陳希儒之才美則非常之人失者

矣天德行莫若敦于親戚文章莫若大於流傳今已備於
江表之筆矣予不克再敬正書交道於是噫

裨正書序

宋 朱晦菴

裨正書序三卷唐陳昌晦撰凡四十九篇熹所校定可繕
寫熹被府檄訪境內先賢碑碣事序傳悉上之府最後得
此書及墓表於其家表文猥近不足觀然述其世次爲詳
書雜晚唐偶儷之體而時出奇澁殆難以句讀也相傳浸
久又多譌謬無善本相叅校特以私意定其一二而其不
可知者蓋闕如也觀其潔身江海之上不汚世俗之垢紛
次輯舊聞以爲此書雖非有險奇放絕之行瓌怪偉麗之

廈門志

卷九

巽

文然其微詞感厲時有發明義理之致而切于名教者亦
可謂守正循理不惑之士矣操行之難而姓名曾不少槩
見於世亦足悲夫詩之序曰亂世則思君子不改其度若
昌晦者可爲近之故熹因校其書而爲序其意如此後有
君子得以覽焉

玉屏集序

明 蔡復一

古今萬象皆詩也萬象歸其光而不得遜古今受命而樂
爲之役則才之所至也而子之立教必曰溫柔敦厚何哉
是非離才也才而深之之道也以王孟之柔厚若有過於
李杜而終不敢踞李杜之上則才之所至法不得爭矣温

柔敦厚詩德也其鐘萬象而治古今者才也德可小心入而才不可盛氣取故曰才難吾入楚與其君子言曰議論而能不借李宏甫眼風雅而能不沿袁中郎筏吾必以爲巨擘是亦溫柔敦厚之教云耳吾雖以之述教而終不敢以之衡人才難故也吾鄉里之才莫如池直夫禪其心山其骨而發之於詩曰玉屏集吾未及至玉屏而以斯集爲玉屏臥而遊之劃然而開則以爲有詩眼矍然而邃則以爲有詩骨嫻然而相憚則以爲有詩容突然而自恣則以爲有詩膽而一言以蔽之曰詩才才者何也古今萬象入於其鏡而寒出於其治而熱者是也寒之而不敢遁如禹

廈門志

卷九

巽

鼎之搜毛髮靈怪旦啼熱之而樂於受命如鑄五色石以補天隸天之人距曲交踊皆才之所至也而於古人柔厚之脈時一離之若有不暇且不屑者則才之所至法不得爭也直夫自以其率其險其疎散有得於玉屏而與之角竒然予謂是三者可令人疑令人駭令人怒而不可令人厭厭則德之薄也直夫持論頗喜李宏甫而讀其詩問墮中郎雲霧予怪焉獅子獨行肯爲是規規者今乃知才子襟靈造車合轍豈必千載後再一楊子雲哉猶記在楚酒袁小脩與言詩曰詩可以興其寄象前其感音外妙在淵乎有慨若公輸氏當巧而不用者也小脩曰此深於才者

也而人之不能盡其才者比比也君將安取不能爲不盡而能爲盡小修葢自許云若吾直夫則能盡其才者也噫德才之道而不深言之則雖以溫柔敦厚爲未嘗有才焉可矣吾又將與直夫言矣

觀海堂平平編序

蔡復一

取平於水而言天下之至奇者莫海若海也風立之而山雲取之而市異物都之而光恠奇矣而吾所奇者不存焉鍾美疏惡族鱗介行舟楫成五鹽力之強以浮地氣之微以平火以信日月以作雷雨吾所謂奇也乃水之所謂大平也平水德也德以有當用以用而不窮奇不窮則大大

廈門志

卷九

巽

則化其山其市其光恠者化之餘也化不可知而可知者從能爲水始溲潦之待涸也未能爲水也故學海而不至有水於此躍而聲曰吾猷爲水而且必爲海其果能海乎聖言海也以水觀海其瀾不遠今之驚奇者離水而欲爲海者也吾友允坤林君獨行其博士言曰平平編讀君之文指傳於理之所必挾而舌導其中之所欲鳴其機拓若有餘而於巧常嗇而不敢盡獨繭抽絲而無雜緒彈丸脫手而無滯勢此不猷爲水而能爲水者也則惡知無奇之非大奇歟允坤今令浮梁古之令者精神用於阡陌亭障桑麻樹畜政葢平平而史以循吏著循吏之濟民大矣

察吏之智疑鬼健吏之惑疑帝毛舉鷲擊無當而易窮君子弗奇也夫大平之奇文與政皆然非淨心弗止非精心弗行水清而形物者也允坤以之航浮梁而海乎天下不疑矣允坤讀書之堂曰觀海而吾與之言海余與允坤皆海上人也

說詩自序

池顯方

善說詩者莫如子夏大序之傳人猶疑之况齊魯毛鄭諸家乎夫說詩與作詩並難者也作詩者其感物前其寄象外說詩者本無感寄而代詩人爲感寄說風而被人不遠說雅而洗俗不淨說頌而形容不真者不解說也卽說風

廈門志

卷九

吳

而不能通之雅頌說雅頌而不能通之風亦不解說也卽說風雅頌而僅寫詩人之感寄不能寫自心之感寄亦不解說也人謂詩之有功於世不在作而在刪者余謂夫子之有功於詩不在能刪而在能說括三百于思無邪之一言非聖人能若是說乎乃說者遂因無邪之旨而疑鄭衛復因序之解而疑朱紛紛未定不知天下惟夫婦之思最真故特以風居詩之首我不學其思而學其真卽從序從朱無不可者然則胡爲刪夫子慮情之溢也故寧從約思者情也無邪者性也約情歸性學問之道如斯而已漢魏祖其思而發爲沈雄委麗唐人祖其思而發爲淵媚秀巧

宋元祖其思而發爲輕纖艷幻之詞曲當代祖其思而發爲靡曼妖妍之帖括詩愈變說愈歧矣余嘗學詩祖漢唐之思而猶不肖迺今知三百篇之難也既不能說安能作深愧余詩之妄作也因搜篋摘廿餘首懼而不敢多說從夫子之刪而已

擊筑集自序

明朝 阮文錫

擊筑集者阮子客燕作也阮子自丙午入都計六易寒暑矣然歲丁未則自燕而返閩戊申則復自燕而走豫故斷自巳酉以下爲擊筑集也夫燕爲召公所封國二南篇章播于雅樂先王之教澤存焉迨乎燕昭下士子丹養客而

廈門志

卷九

巽

後椎埋屠狗之夫接踵于燕而風爲之一變雖不軌于正乎要之輕死生重然諾往往以身許人君子猶有取焉然自漢至今毋論召公之化邈乎難追而所云感慨悲歌之士間亦未嘗一遇豈非世遠人湮山川如故而九原不可復作歟然則擊筑之思亦猶懷古之志也或曰筑商聲也子之近作其聲于商爲近然耶否耶因弁識之以俟知者

籟餘草序

阮文錫

憶與鄭子嘯歌萬石之峯蓋十餘年矣庚子夏避地東山樓閣春而樓燬鄭子好藏三代鼎彝秦漢金石及宋元名人墨蹟盡火於樓無餘也而子藏書數千卷亦與焉兩人

因相視而笑鄭子曰吾尚有餘者存蓋指其詩草也夫鄭子乙酉歲遊榕城有三山草歸而開萬石禪林有萬石巖草又彙其近集題以心籟然皆火於樓矣近學余善病事參苓而心獨不爲物役復記其前後集爲籟餘予亦未知其所餘何事然既謂之餘則視吾一身中有爪甲涎涕毛髮鬚眉焉餘矣而耳之聽目之視口鼻之味與臭亦莫非餘也况人間之爲聲爲色爲歌舞爲戰鬪爲悲愁愉快怨恨思慕何適而非餘悟所謂餘方將離形氣以遊清虛親性靈而辭塵垢又焉有物餘於吾心之內哉雖然餘者因其至足而命之也不足于內而無餘則足于內而爲有餘

廈門志

卷九

五

矣間嘗觀日月星辰山嶽河海以至崖谷雲飛汀渚霜落知爲天地餘也草朝花木秋實鳥現魚潛百獸昆蟲相與叫號遊走知爲山川餘也大而韻之書夔之樂姬公之禮制小而扁之治病曠之治律良之御庖之牛秋之弈知爲聖賢餘也鄭子不餘于物而餘于心其著爲經時之略處世之宜皆心餘也又散而爲溪山之秀麗亭閣之參差攻而爲筆墨之離奇技能之工巧天地所有古今所傳將無餘矣予方思竊其餘以備藏書之闕至其所以爲餘則予固深思之而未得鄭子亦不能以其所得而共之于人

夫

嘯草序

明紀許國

古之爲詩者不甚滯聲響筆墨間至唐而諸體始嚴密然皆根於情寓於境不必以爲雕鏤綺績也故其時以詩名者往往多山林抗浪之士不則挫於下僚鬱於勢會而其奇怪瑰卓者散寄於篇什之中情之所至時代不足以限之矣然則天下之詩人皆天下之深情人也而世之論者方且遺本而飾貌踵事而增華不已淺乎鷺島峯巒竦秀烟垂雲接異人多栖托其中余僑居島上已五載諸友人有三言阮子雋敏善詩歌者予心識之旣而阮子出嘯草相示羅羅清疎言必稱乎情如咏鄭所南心史及贈陳白雲和王百穀諸作皆峭出無世俗雕鏤綺績之習然則阮子其現偉懷感慨而有以自振者歟阮子年甚少思甚銳由是而造焉其以追於古不難然吾聞孫登之在宜陽山也阮籍訪之作嘯聲求與俱出登竟不應予迂且鈍且隱耕遯釣世事濶絕以自託於古之無用者阮子他日名當益盛尚能訪我深崖篁竹間作響人聲否也

夕陽寮序

國朝陳俞侯

文者載道之器道在人心而散見於事物故有一事不知一物不名而欲操觚爲文吾未見其可也近世論文家崇秦漢則薄唐宋尚唐宋則迂秦漢此徒在膚貌之間而不

得其神理者也古人胸有所蘊發而爲言左史有左史之
文韓歐有韓歐之文雖未嘗不相師而豈相沿襲也哉予
寓京師久同阮子晨夕談詩論文素矣阮子深究性理默
契六經自道藏釋典諸子百家以至兵法戰陣醫卜方技
下及稗官野乘之書無所不覽而採其精華去其糟粕故
自成一家言昔人評史記只一潔字阮子之文足以當之
夙歲阮子至濟上予與藩司黃公德臣欲爲刻其藏稿阮
子方且南遊不遑少待近臬司丁公雁水已刻其詩於金
陵阮子將應靖海將軍施公鄉山之請文方授梓予亟分
清俸以速其成昔蔡中郎得王充論衡秘之枕中不以示
人予故不能爾爾而丁黃二公公好之誠卓乎其不可掩
且以見阮子放浪江湖倘伴山水萬里辭家平生所遇知
已固亦不一而足也

荔厓詩鈔序

國朝沈歸愚

乾隆丁卯戊辰間余留京師時龍溪黃君叶庵官中翰每
以韻語相商欲余訂其是而去其非深不自滿也余略有
及薤叶庵一從余言已已余予告歸叶庵贈佩文韻府錢
別自是燕吳雲樹渺然天末歐陽永叔歎交遊不常聚有
同感也丁丑秋叶庵將補官兵曹道經吳中旣相見道別
離情事外出詩數卷示余索爲序讀之如名花艷如美女

嬗也挺峙如山之立奔放如水之涌也巖整如老吏之
獄無能出入也平淡如名泉之煮宋樹茶無味而中舍至
味也視向時風格又一變矣昔閩中詩派開於林子羽佐
以高彥恢閩人守而勿失錢牧齋嘗其過拘然終爲詩家
正聲弗能詘也後謝在杭曹能始出新意變化之斯爲善
學林高者今叶庵從林高入不從林高出視在杭能始有
同心焉是亦閩中詩人之傑出者也由此根柢日富涵養
日深本唐人而上溯當參漢京所詣可涯量耶叶庵行矣
金風徐動努力前征歌詠盛明更成新帙

歸田集序

國朝 監應元

廈門志

卷九

五

荔厓二兄余總角交也與余同年月生長余四日荔厓籍
龍溪余籍漳浦又同郡共爲諸生時每遇試必相聚倡和
連旬情甚昵且各相期許甚奢厥後荔厓宦遊京師歷官
中翰兵曹余亦以鄉薦北上復得晨夕倡和如故未幾余
丁內艱遂與荔厓隔別迨余第春官叨館選可以相聚荔
厓又以外艱南歸噫人生聚散不常可勝嘆哉癸未予乞
假旋里是秋應玉屏之聘始與荔厓居相近時相接三年
中得親見荔厓爲鄉先生凡有關名教者無論事之輕重
難易皆必力肩其任暇日卽偕諸同志尋山問水卽景分
韻觸物抒懷因而積成卷軸名其集曰歸田而屬余爲序

夫荔厓之詩自昔歲奚囊內史中樞諸集出久已膾炙人口則是集之刻愈精愈熟如景星慶雲賢愚皆知爲美瑞豈待嘖有煩言哉顧余猶有不能已於言者則以荔厓同在服官之歲余雖忝坐嵩山講席而官檄頻催度不能久聚亦願荔厓以歸田之咏復起而爲清廟明堂之歌俾勒諸史冊銘諸鼎鍾而後出都門作歸田計庶幾復故鄉握手各相慰藉以不虛夙昔所期荔厓其得無意乎余故樂附數言併爲荔厓勸駕

池上史論序

國朝黃濤

乾隆丁亥歲余叨玉屏講席於厦得知交者三倪君耜南

厦門志

卷九

五

以節概勝張君行之以恬雅勝皆名孝廉之有爲有守者而張君爾芾高年自適不夷不惠酷好吟詩余嘗讀其池上草擬之摩詰樂天一流人今出其所著史論二卷相質讀之論斷精詳是非不謬得未曾有乃知爾芾爲經濟中人非徒以麗則見長也余嘗論儒者讀書以明理曉事爲貴理莫備於經書事莫詳於史鑑 國家以制科取士首試八比以探經書之蘊所以明其體也終試五策以驗史鑑之學所以達其用也法綦善矣而末俗猥鄙以八比不用三代下事勦襲腐爛時文希求捷徑有問以前代世次而茫然者卽有資稟聰敏函芬涉獵矜爲宏博而中無決

擇主裁如有脛書厨堆積典籍於無用耳嗟乎上以寔用
求下以虛文應謂制科之能累人乎抑人之累制科耶今
爾芾未嘗沾沾以儒名世而宇宙之事變古今之沿革用
人行政之純駁凡前儒所未發及發而有未當者莫不考
得失於微渺辨去取於疑似斯可謂經濟有用之學矣乃
歷試不售明經終老世第知其長於吟咏爲島上風騷之
壇長而其貫穿諸史諳練典故之學反爲所掩大世之齷
齷空疎者不知讀書爲何事日守兔園冊子幸博一官反
視爲芻狗旣於人家國事碌碌毫無短長而一二明體達
用者又使之泯沒終老空言無濟焉則信乎真儒之不易

廈門志

卷九

七

觀也不揣固陋其意見間有未合者輒爲參酌數條因書
此以慨之弁以質之邦南行之二孝廉其以爲何如也

誌銘

誥授威略將軍福建水師提督吳公墓誌銘

國朝李光地

公諱英字爲高號媿能世居福建泉州之黃陵後徙大浯
塘會祖曰賓吾祖曰振泉父曰登盆以公貴累贈榮祿大
夫妣皆贈一品夫人公早孤值海濱搶攘用將材起家隨
大師克平金廈功授都司僉書隸浙江提督歲甲寅三蘖
盆興耿精忠遣僞帥出仙霞關犯金華衢州旁入江西海
寇響應東南震動官兵進勦公在行間或聞公閩人不可

信提督塞公獨深契之授公左營遊擊公奮勵甫視事三日退宜海梅坑賊進兵雙門解台州圍復破水賊張拱垣於三門港殲僞帥朱飛熊於毛頭洋軍氣大振旣鑲藍旗貝子富公至浙江視師提督首薦公卽命爲前鋒公引兵揚言修毛坪路陰襲涼棚取之斬賊帥劉邦仁遂復黃巖貝子奇之尋令復太平樂清等縣抵上塘遇賊兵二萬衆奮擊之斬數千級賊將許奇保殘卒據綠帳隔河而陣公下令人負草一束夜乘潮填河而濟大破之遂由猴孫嶺奪其堡引大兵直至青田僞帥連登雲以十萬衆圍處州踰二載聞青田破餉道阻絕遂夜遁會養性者耿逾之梟

厦門志

卷九

誌銘

美

將也擁賊兵數萬據温州乘

王師初至分五路夜燒

我營公急白貝子令諸軍棄營據險軍以不亂公自率精兵據大竿山阻其要道復請分兵五百抄伏敵後是夜賊衝殺數四公力戰達曙身中數創士不傷者才五十人天明單騎突之大師繼進伏兵並起賊自相踐踏斬獲無算公逐賊至溫州城下銳傷馬顛復奮起刃十餘人奪賊馬以戰貫其衆由將軍橋以歸初貝子收兵失公所在大駭旣見公喜且泣曰以一身當數萬衆戰終夜不殆神徻汝忠耶是役也會養性僅以身免耿氏精銳盡矣未幾還守宜波中軍適賊船二百餘艘直臨定關公偵得定關守備

方俊受僞劄爲內應請提督立斬以示賊賊遽退守象山
公復請兵破之旋奉檄收捕大嵐山寇搜斬數百人餘黨
潰散時耿逆已輸誠而松陽遂昌山寇游魂出沒貝子駐
師石塘召公捕之賊首馮公輔屯戴火山素警公威名出
就撫其別魁林惟仁黃太相等擁衆黃鼻山左倚懸厓右
臨深潭以獨木爲橋山廣袤數十里莫可蹤跡前督撫遣
人招之輒爲所殺公令諸軍持三日糧夜腰繩魚貫上席
草而下至楊梅灘遇賊破之降其衆山寇悉平而海孽復
熾陷海澄困泉州斷洛陽長橋以阻援兵公以副總兵官
從康親王救勦自仙遊分兵兩路出間道解泉圍奪江東

廈門志

卷九

五

橋守之破砦十有九遂復海澄己未秋擢同安總兵官明
年率舟師合大軍進攻金門廈門賊棄兩島遁回臺灣會
靖海侯施公琅來提督海疆事議進攻澎臺引公自助遂
以癸亥六月某日發銅山取八罩直抵澎湖賊勢盛前軍
被圍公單船拔出之翼日進攻殺賊先鋒燒其船公所乘
船忽爲潮水衝著石上賊船火烈將及公副將詹六奇駕
小舟挽公避再三公以衆軍在船義不獨存堅却之船忽
浮起士氣益勵戰彌力賊大敗燬賊船百九十餘艘殲僞
官將三百餘員殺溺賊兵五萬計俘者皆縱遣使歸諭以
恩信禍福整衆臨之賊勢窮納款舉土降施侯凱旋留公

鎮撫其地自海逾負險造亂四世歷六十年所公與施侯
合謀七日而舉之 天子嘉公功眷待與施公埒尋調

鎮舟山海寇洪煥等二千餘人聞風歸命再擢四川提督
破吳三桂餘黨楊善師九經等散其衆川中洊經兵燹千
村荆杞伏莽竊發公嚴塘汛懸賞購募獲積盜三百餘人
斃其魁六十三人於杖盜賊屏息鎮蜀十有一年施侯旣
卒 上念閩海反側非宿將莫能鎮撫遂調公福建陸

路提督旋改督水師凡十餘年前後如京師朝 行在

者再 御書作萬人敵四字以賜加號威略將軍優以

世職請老不許癸巳夏 上於熱河行宮 御製七

廈門志

卷九

五

言律詩一章將以錫公命諸王以下大學士扈從諸臣皆
屬和蓋追念元功所以褒崇之者甚備而公已於七月廿
四日終於位矣疏聞 天子軫悼下部議恤其孤應龍

等將於某年月日葬公於某縣某地之兆狀公事績官階
乞余銘其幽隧吾聞攻毒之餌恆出於瘴癘之區亂之興
也其受亂之地必有人焉足以還自救也閩之亂亟矣莫
甚於耿與鄭耿之平也公旣力諸原海氛之靖則施侯爲
之主而公實贊之蓋公所至以功業自顯而造功於閩爲
尤大余於公同爲閩人又嫻好也知公深誌其可以辭乎
公生前丁丑十月初七日得年七十有六配夫人蔡氏前

公卒子男十人應麟布政使司參議江西督糧道亦前卒
應龍刑部郎中侯補副使道應鳳壬午舉人戶部郎中應
鵬福建水師提標遊擊應鷗辛卯舉人應鶴歲貢生應樞
應權應機應璋俱幼應機余叔父永春總兵公壻也女五
人皆適名族孫男十二人女十三人會孫五人持身寬厚
謹恪居於家門不縱不苛鄉人久安焉待族姪朋好有恩
禮雖勲高爵大異於古名將怕侈驕暴者故能以功名終
若行間紀遇一編所錄皆實余嘗序而行之茲復誌公之
槩而糸以銘曰

雲雷之屯君子經綸天造草昧以啟厥勲敵 王所愾

廈門志 卷九

堯

綏我鄉人保斯土者人亦保焉望公松楸孰敢不尊千秋
萬歲式固汝原

廣東副都統陳公墓誌銘 國朝 方苞 靈臯

公姓陳氏諱昂泉州人世居高浦 國初遷海濱居民徙
灌口父兄相繼沒以母寡艱生計遂廢書賈海上屢瀕死
往來東西洋盡識其風潮土俗地形險易康熙癸亥

上命浙閩總督姚啟聖經略臺灣遣靖海伯施琅統諸軍
進戰求習於海道者公入見時制府以水戰宜乘上風公
獨謂北風剽勁非人力可挽船不得成鯨不若南風解散
可按隊而進施意合遂參機密將至澎湖北風大厲氣霧

冥冥晝而不相覲三日軍中惘疑公進曰此殺氣也將軍毋以父兄之仇欲效楚伍員倒行而逆施乎將軍曰然則吾誓天公手案以進誓畢風反日暉遂克澎湖歸疾病瘵傷者於臺灣其吏卒大烹鄭氏遂歸命兵不血刃策勳授蕪洲城守一調再遷而至碣石總兵官擢廣東副都統皆濱海地也嘗奏請西洋治象數者宜定員選毋多留其留者勿使布其教於四方自開海洋登萊江淮間海舶至菽粟布帛卽騰踊僉曰內地年登而穀貴職此之由久之語上聞命盡閉海洋公聞之獨曰南洋非此倫也吾少歷諸番皆習耕稼無資於中國或海壩毀饑商舶尙以諸番之

廈門志

卷九

卒

米至今概絕之則土貨滯積而濱海之民半失作業欲上言會疾作將終命其子以遺疏進衆皆疑焉邛之閩人則曰斯言也其信公之子倫炯介吾友楊君千木請銘余旣奇公之迹又其言宜考信於後乃受其請而譜之公歷官皆能其職有遺施在人卒年六十有八父諱健前母許氏母王氏自曾祖以下皆受一品 錫命夫人林氏子三人長倫炯次芳次倫焜以某年月日葬公於某鄉某原銘

曰

迫爲生海之涯備諸艱危榮遇亦由茲志願無餘安以反其居

詩

金榜山

朱熹

陳場老子讀書處金榜山前石室中人去石存猶昨日營
啼花落幾春風藏修洞口雲空集舒嘯巖幽草自茸應喜
斯文今不泯紫陽秉筆紀前功

又

宋張翥

衣冠陳氏族桃李薛公園場老遺文古巖僧舊蹟存苔磯
荒磧岸金榜勒瑤琨已憐松特異尤喜石能翻

又

明丁一中

廈門志

卷九

藝文略三

序

空

麗日明金榜春風掃玉臺舊日迎仙子駕今復令威來

釣磯

丁一中

當年垂釣者終古坐寥廓借問任公鰲何如令威鶴

次前韻

明劉存德

有唐場老叟高懷海天廓昔晦一絲綸今顯丹臺鶴

嵯峨一片石可比嚴臺廓寂寂幾多秋知翁惟少鶴

訪陳希儒隱處

明池顯方

潭雲島樹候多年誰料開荒是穎川石兔麥田陪古碣
魚簣港熟冬天子陵巖瀨猶傳姓司馬終南不作仙人去
山空潮亦異浪花畏撲釣磯邊

登金榜山訪唐陳希儒隱處

池顯方

名甜色嫩早留妍超壁穿蘿度絕巔玉笏搢天十六丈桐
絲離海半千年麥風濯雨寒青堡石汗流香騰墨烟幾卷
遺書慙未讀秋芽一盞酌先賢

金榜山訪閣公石室

國朝 洪世澤

金榜山高對玉臺隱君舊業半蒼苔著書人去成千載洞
外寒花閒自開

迎仙片石倚巔屹場老當年此閉關欲問藏書何處所白
雲空自鎖名山

前人著述後人傳考獻徵文此必先石上摩挲深刻字風

廈門志

卷九

三

沈又見令威篇

洪濟山頂

池顯方

山下指峯峯似沒山半指峯峯猶惚夾逕綠梢慣傲霜澗
底青石泉衝缺九十六磴度龍門斷字殘詩封古碣揖巖
二塔列豆登對岸人煙透纖髮再攀危頂騎雲背不見諸
山見水沫二檐東西浪入天賈舶漁帆連蟻隊潮雞初唱
扶桑紅日觀何須登泰岱矯矯孤峯立沆漭如拈英石安
魚盎幾度來觀逢日西晚山欲落如初上客道武安天柱
高未必滄溟在拄杖

冬游洪濟山

池顯方

長川展鏡蘸嬌顏幾片寒花也
千國土在川間
何聲喧不任應知虎豹守天關

掀天縮地杖頭間一座梵宮轄萬山
臺有路不會關峯因喻日顏常赭樹
九霄何罍礙石椽鏡戶總非閒

山下風多上轉晴恍疑展翅入瑤京
勢狂奔欲吸鯨石塔連雲齊倒影
喚酒爭觀日醉醒紅窓已六更

風衙散葉似飛蜂積凍何時不是冬
前後永洲都屬水北

廈門志

卷九

奎

南泰武若無峰巖嫌漏雨多堆石枝
流梭山亦老虞淵欲取一九卦

數峯拾盡到巖前復度三峯顛絕巔
人踏笠上青天六時樹樂空中奏一
身輕生肉羽龍門躍出任風翻

寒島遙看二麥春灑嵐流水武陵津
邑一邊露白銀西域東夷皆禹貢南
擬結雲峰頂服蒸耕芝指海塵

龍門

翠壁丹崖不可攀石門龍過海風寒
力盡孤臣死惟

有留題墨未乾

洪濟山觀日

池顯方

巖壑沉沉漢尚橫水雲一縫萬光生
偶偕殘月同時出遂使餘星不敢明
晝夜欲分天未定火金相盪海難名
人間猶作五更夢僧已朝齊罷磬聲

又

元氣淋漓接杳茫忽開混沌立元黃
水風所鼓使之活煙霧微遮不礙光
半影纔生羣象變一方已曙萬雞忙
山中晷候無冬夏惟是晨昏有短長

同葉君實郭奇琮二友遊雲頂巖留雲洞 洪朝選

廈門志

卷九

畚

洞宿孤雲久吾來亦暫留身隨天路迴
情寄野僧幽檻外濤聲聒林端雨氣浮
同儔二三子高步信良游

雲頂巖

池顯方

新栽松檜已齊腰秋老芙蓉尚插霄
烟外家鄉纔一水石間姓氏半前朝
但看野色無城市難判天風異海潮
白鷺遙汀飛不見寒雲幾縷傍衣飄

又

丁一中

為愛留雲洞雲留客亦留青衿同信宿
老衲共夷猶月皎諸天淨巖空萬慮休
宜知滄海曲清臥足奇遊幽谷成良晤
雲蹤去復留道心原共契野性亦相猶
巨海

深無際危巖坐未休浮生慚骨賤奇絕喜同遊

登雲頂巖

明紀許國

十載勞予夢纔為兩日遊多因塵世界動令此心愁觸袂
雲光滿黏天海氣浮空香飄不息別是一山幽

游雲頂巖

國朝羅前蔭

陵空盤磴道無際豁雙眸海色陰晴變山光日夜浮濛濛
青未了瑟瑟氣俱秋尺五天低處寒鐘落寺樓

游雲頂巖

洪世澤

方丈連清淺蓬萊半紫氛雙湖林外合二郡望中分竹引
瑤池液衣留玉洞雲幽尋殊未厭出谷已斜曛

廈門志

卷九

奎

視師中左

明南居益

寥廓聞天際縱橫島嶼微長風吹浪立片雨挾潮飛半夜
防維棧中沈謹初衣聽鷄頻起舞萬生待揚威

又

一區精衛土孤戍海南邊潮涌三軍氣雲蒸萬竈煙有山
堪砥柱無地足屯田貔虎聊防汎蛟龍隱藉眠

五老山

宋滕翔

海翻波浪繞群峰無盡巖前此界空不是灰心求佛者片
時難在寂寥中

又

明俞大猷

壁上舊詩拭目看
細常從昔一肩擔
馳驅四十年來事
莫報君恩祇自慙

扶桑東去更無山
天外浮雲獨往還
劍履半生湖海遍
老僧贏得百年閒

借問浮雲雲不語
爲誰東去爲誰西
人生蹤跡雲相似
無補生民苦自迷

未工詩字書盈壁
待得工時事若何
欲寫心中無限事
不論工拙不論多

又

池顯方

十年古剝幾殘灰
重見天花散講臺
野露欺人疑結雨
松

廈門志

卷九

五

風拈地每驚雷一泓
碧水和雲下萬點
青山擁海來若問
箇中真普照峰頭
夜半日輪開

月夕普照寺對酒

明劉汝楠

華月蘸清樽虛庭
露氣繁懸猿啼白
壑歸鳥度黃昏
樹色搖山殿江聲
到寺門上方詩品
寂永夜不聞喧

普照寺

劉汝楠

野寺前朝建空門
大壑開鳴鐘霜氣
動拂席雨華迴石
倚天星落江涵晚
照來山中詢法侶
塵劫幾成灰

南普陀

國朝劉必登

長風走海天鼓盪
開禪定秋色導芒
鞋一折入幽逕崇
宏

大覺場妙諦良可証桓桓靖海侯林谷繞鞭鐙寶蓮與珠
旛照耀室不暝滄桑變須臾今昔已殊勝歆松礙僧眉老
蘚上佛脛廊空鳥自行檻壞猿復凭祇愛洞中泉滄江破
猶剩冰雪沁心脾冷冷發清聽

會陀寺

汪士傑

鐘鼓樓高寶殿雄大江南滙小林東流飛石笕山腰水聲
落松濤谷口風梵磬靜時僧入定海雲寒處鴈橫空渾疑
身到潮音路不盡天花法界中

遊南會陀

修法海

天水蒼茫一望同何妨海外說真空詩人便是開山祖風

廈門志

卷九

奎

雅禪林鷺島中

太武山

明豐熙

一山高出萬山巔絕頂相傳舊有仙朱草紫芝雲外地碧
桃紅杏洞中天石盤棋散留殘子火竈丹成起斷烟借問
王喬真甲子尋常七日是千年

又

明張士楷

景炎遺蹟杳闕關駐驛猶傳大武山御氣海天餘白日翠
華烟雨沒烏蠻野花增入蕊元恨國事深悲德祐間不是
瀟湘還苦竹春風愁殺鷓鴣班

又

明許樵谷

何處飛來海上山何年有此洞中仙
天臺華表歸白鶴日暮香爐生紫烟
桃竹杖支雲壁路菊蕊蕊薦石池泉
茲遊年已八十六誰謂相期更十年

虎溪

池顯方

松間長榕各屈蟠諸峰起伏復多端
過溪何止三人笑入洞方知六月寒
杯影頻移依怪石夕陽便愛倚欄杆
幾回餐得天風慣凡骨還應長羽翰

又

明何喬遠

卓地非凡石千霄盡峻峰哲人開慧竅
神秘吐靈踪月色明鮫宅天風散雉墉
幽期來信宿新木堦高榕

廈門志

卷九

矣

又

衆石黑如漆子雲來守元竹書窮日月
地紀劃山川場老磯終古令之嶺尚懸
勳名成途後還到草堂前

又

南居益

虎谿開絕勝森峭好安禪果向真蓬島
分來別洞天雲烟雙屐外潮汐一樽前
吾久甘泉懶招遊獨緬然

其拔危磴入邱壑挹名踪節度詩懷壯
將軍筆意濃波恬思托枕山盡喜聞鐘
方石移還戀初陰幾樹榕

又

明謝璿

峭壁懸蘿幾度攀巖前野鶴去來閒
藍拖洞水香生玉翠

結峰頭巧作鬢時有白雲環洞口可無青草夢池間風流
屐齒吾家事漫學枯禪浪閉關

入

明紀文疇

乾坤如夾壁日月每懸心石竦招高步江流表遠林弓刀
何處靜鐘鼓此中尋側石舊恩在西來有好音

虎溪巖

國朝陶元藻

忽聞虎溪名疑向匡廬眺愧我非徵君詎逢遠公咲斷崖
補僧居嶺秀得要妙幽陰森生乳溜滴懸竅才有長明
燈翠壁色照耀雲盤護佛幢花映煮茶銚經秋眼若明對
石句亦峭那得買山錢割此海中嶠

廈門志

卷九

堯

又

鄭纘祖

滿眼旌旗在疇能辨劫灰虎溪浮地出鯨石倚天開夜月
誰吟嘯秋風自去回不堪懷往事腸斷水雲隈

又

國朝林之濬

幽巖興未已相將過虎溪寒律振林木落葉滿巖溪攬衣
沿磴坐爇此足禪棲遙指昨遊徑靈境異東西川渚海迴
合岡澗石高低雲蘿遮鳥雀風帆亂鳧鷖蕭條驚暮節零
落慨殘題浩歌下山去漁火照長隄

白鹿洞

逶迤鷺門山曳屐歷竒變石骨排天青雲端象獅戰雕鏤

神鬼工玉切雲可片元牝入虛無心悸目亦眩將奔勢復
迴欲墜根尚戀晦明兩難分漏日僅容線已窮搜抉心復
闢蒼翠面巖障與軒樞參錯相隱現半椽香積厨十笏彌
勒殿陰崖洩乳泉老樹坐海燕空谷人語靈風至冷然善

醉仙巖題壁

明施德政

偏師春盡渡澎湖聖主初分海外符鞞鼓數聲雷乍發舳
艫百尺浪平舖爭傳日下妖氛惡那管天邊途旅孤爲道
凱歌宜早唱江南五月有萑鱸

和前韻

明李揚

樗才自分老江湖襍線深慚佩虎符舳艫森森鯨浪靜旌

厦門志

卷九

半

旗獵獵陣雲鋪風生畫角千營壯月照丹心一劍孤王德
未酬倭未滅小臣何敢輒思鱸

和前韻

明徐爲斌

開南要路險澎湖元將專擔靖海符萬里餘艫瑩斗列蔽
空旗旆彩霞鋪魚龍吞氣烟波定蜃蜃馳魂窟穴孤
天子綸音勤借箸那思葦菜與江鱸

又

國朝黃中紀

乞歸十載鬢毛斑幽夢長依泉石間頻約高僧談法乘更
邀名士訪雲山閱來世味無如淡悟得仙家總是間外境
不殊心境異洞中便已絕塵寰

又

國朝 葉廷梅

鹿洞嵯峨出上方
清明野色自蒼蒼
行來樹隱孤巖靜
坐對山空一嘯長
萬井迷濛煙火市
半牕縹緲水雲鄉
夕陽洞口花迎處
紅袖輕飄羅綺香

萬石巖

明 黃克晦

結伴遙尋大乙家
峩峩萬石映孤霞
坐中峰勢天西折
衣上蘿陰日半斜
風榭無人飄翠瓦
雲巖有水浸苔花
何年更駐蘓耽鶴
靜閉閒房共轉砂

又

阮文錫

鑿開雲壑架精藍
數曲幽溪客共探
孤月夜懸雙石壁
千

廈門志

卷九

七

林秋嘯一茅庵
餘生擬向間中老
往事都從夢裡參
便與名山期後約
浮名從此更休貪

又

陶元藻

塊壘呈海濱
奇狀非一類
點頭固有靈
呼丈亦何媿
琳宮嶽嵯峨
一徑入幽邃
嶽崎歷落多
我醒石已醉
風懦雲懶行
日夕山欲睡
木末寺樓高
微吟坐寒翠

又

國朝 張對墀

袍笏時時拜米顛
別開蓬島隔塵緣
一泓清淺沙爲路
萬竅玲瓏石作天
佛洞雲深連樹靄
僧房日午起茶煙
欲携勝景囊中去
擬與秦皇借一鞭

又

林之濬

海霧散朝旭巖巒積空翠緩步共攀躋徑險心亦悸惟石
紛峻嶒僧樓構幽邃孤亭一延眺邈然滄洲意嶮嶽生禪
寂澁澆悟虛寄江山成慷慨林壑保深秘寒濤奔晚照抱
膝發長喟

又

鄭纘祖

洞壑猶然昨依稀記昔遊山空餘萬石海濶有孤舟天地
本難老風烟容易秋客心何所感惆悵大江流

又

黃日紀

鷺江富名寺萬石獨稱最包羅兼衆有變幻誠無外危樓

廈門志

卷九

三

縱遐覽飛奔與目會烟火億萬家城郭橫繡繪前有海無
際空濶不可奈蜃氣常山沒青紅浮杳靄後有松數株倚
立懸高旆清風與吞吐時時發幽籟旁有洞嵌空石罅乍
明昧曲折穿牟腸鳥道狹如帶洞中如深甌團團露其蓋
泉脈長潺湲末流瀦清瀨偃僂出深穴脫然蟬離蛻恍惚
難窮詰造物弄狡獪

九日重游萬石

國朝
張允和

幽巖屢訪真奚窮勝日清樽此復同老去惟應親晚菊朋
來有信逐秋鴻成霞海色翻欄外合樂泉聲出洞中戀賞
却志山已夕拄將筇杖聽松風

萬石巖

國朝 陳光章

石頭何齒齒蹇步客來稀鞭刺秦皇力支殘織女機青根
通海氣瘦骨覆雲衣佛寺看山好終朝不掩扉

又

國朝 陳韜章

漫山堆怪石空洞瀉春泉磊落餘無地玲瓏小有天點頭
誰是悟拜手不勝顛薄暮閒流覽青雲處處連

石笑

國朝 莫鳳翔

聚時能悟生公法到處多依古寺門莫恠相逢惟一笑更
無心事向人言

碧泉巖懷僧霧雲

國朝 黃蓮士

廈門志

卷九

三

孤僧閒閉翠微中冷落梵王舊日宮石徑無塵人不到巖
泉似線篔還通一山鐘鼓分喧寂隔寺興衰悟色空聽說
霧公圓絕後佛燈無焰守殘紅

石泉巖

黃蓮士

何年殘骨結寒冰剩有荒巖住老僧汲水煩供禪後粥賣
泉粗給佛前燈潺湲晝夜無休息元氣淋漓自鬱蒸息客
品茶需汝甚取携聯絡上峻嶒

同駱亦至夜宿半山寺

紀許國

登臨無定跡每晤必依然嶂遠來帆際苔深接寺前似留
栽竹地聊咏浣花篇夜半高談靜客心恨屢牽

萬壽巖

明戚繼光

萬仞峰巒聳目前不須雕巧出天然露涵石瓦生春色爐
藝旃檀起瑞烟自信明時無隱逸還疑僻處有神仙公餘
正好談元妙又統三軍過海邊

用前韻

俞大猷

幽巖屹立梵宮前片石呈奇瓦礫然峭壁罅虛寒漏月博
山香蕤煖生烟高僧煮茗能留客樵子觀棋每遇仙說罷
禪機登絕頂恍疑身在五雲邊

萬壽巖聽松

國朝張錫麟

喬柯如蓋護雲林夾道亭亭白石陰何處劇苓尋犬跡祇

廈門志

卷九

七

來食實聽龍吟怒濤忽向空中起驟雨還疑寺外深絕愛
淒清商調好西風閒謔入瑤琴

陪南思受謝蒿之登鼓浪嶼和中丞韻 池顯方

雖小亦門戶如何不一登新城盤曲折古寺俯稜層易服
瞞邨老尋香妬聖僧渡澎諸戰艦帆展候風乘

又

殘石伐將盡惟餘一古邨烟開生遠岫潮至亂平疇去歲

如遭虎

曾被紅夷燒屋

今年再狎鷗全憑藩屏力吾得臥滄洲

鼓浪嶼

池顯方

連天盪溟渤小巒獨突忽古樹夾寒煙與波相出没不是

鬼神利如何巧剖剝一日鑿一卷十日成一窟造砌及修
碑盡在此中伐至今數百年剝盡無肌骨白石有何辜頻
遭黔黥罰太行避愚公癡山猶不杌混沌七日死疆山猶
不沒莫是愧世人捨身任爾別莫是慙無用欲入於宮闕
須彌與崑崙劫火一時竭

鼓浪嶼

丁一中

須彌藏世界太塊得浮邱巖際縣龍窟寰中構蜃樓野人
驚問客此地只隣鷗歸路應無路十洲第幾洲
一水分烟嶠沙舟客其登崇巖叅佛古仄徑躡雲層遂作
凭虛觀因逢彼岸僧何能拋綬冕長此覓三乘

廈門志

卷九

蓋

又

黃蓮士

昔聞鼓浪似瀛洲海上初來覽勝遊石壁風雲餘舊壘人
家烟雨事春疇鐘聲上下波心寺樹影參差島外舟一自
當年平劍印妖氛不作慶安流

浯嶼

紀許國

但愁炊少米不苦食無魚日日戈船開採真何處居

登大擔嶼

范 咸

瞥見山坳翠欲流葱籠密樹景清幽嵐光遙與群峰別海
色還看四面收日暮碧雲驚異彩雨過寒氣逼深秋天南
鎖鑰橫江外不放鯨魚夜出游

大擔與風雨感事

紀許國

自從鷺島任吾家又向波間一泛槎
細雨黏人春畏海寒風著岸雪爲沙
載馳有悔徒心碎作賦無能且手叉
若使桃源今可得吾生終不老魚蝦

登城

何喬遠

溟渤周遭繞戍城蒼蒼寒月海頭生
北風正捲南夷舸山壘全屯水戰兵
吹浪魚龍遙滅沒爭枝鳥鵲近分明
周侯澤會當年役此夕登臨萬古情

題依巖室石壁

俞成

舊室三間依石巖堵墻洞闢見巉巖
迎將空翠通簾戶怪

廈門志

卷九

矣

底閒雲上履衫心淡無難齊物我境幽直欲隔仙凡看山到處皆奇絕况是朝朝對老饒

朝來晴影映空虛漸覺朱炎氣已疎
半壁青山開畫障卅年塵夢笑居諸
焚香煮茗清無比啼鳥鳴蟬靜自如
且喜清平公事少簿書粗了卽輕裾

步前韻

曾儒璋

堂偏小築靜依巖六一文牕映碧巉
蟬帶琴聲移別桁蝶翻舞影上涼衫
閒探墨妙神俱靜坐倚雲根意隔凡石壁
留藏還自傲當官行止莫貪饒

嫩嵐浮碧接晴虛寂歷庭軒俗慮疎
書結古歡憐脈望月

舍明水試方諸臨風蘭氣清無敵帶雨篁陰畫不如夏日
正長公事少未妨吟宴集簪裾

水仙宮

國朝 陳邁倫

鷺門禹廟落成初勝景層開接太虛斜磴人來懸壁上危
亭極目大荒餘近城烟雨千家市繞岸風檣百貨居澤國
久無烽火警一聲長隴海天舒

題荷庵

陶元藻

煙水周遭淨土憑大光明界我初登數弓小圃蔬兼竹十
笏閒房佛與僧過雨寒沙移舊跡隔牆秋嶂見高稜白玻
璃內天花影悟徹真空卽上乘

廈門志

卷九

七

玉屏山

池顯方

下巖泉作乳上洞玉爲屏幾許英雄子松風不肯聽
古洞兼幽逕看山數十餘若分衆邛壑當時一仙都
天濶雲留影地靈石應聲雲石猶有意不似世無情
松花旣歷亂梅雨復瀟疎洞裏無人處欲藏所著書
殘石疑經蠹幽山訝有龍游人風雨夕不敢望前峯

同張紹和游玉屏山

池顯方

君將交六嶽未遊玉屏顛如近舍皇甫而遙求樂天易於
拈景出難在遣山傳谷口從茲款雲眉始得媯石嬌環翠
障樹舊厭紅朶逕軋風多變峰欹霧不連無階手可步有

縫腹爭穿白鷺低千壑丹霞隔一川
蜃樓知水烝蟻障指
戎船海捧牽杯月潭彈引韻泉臨岐
迷曲洞四顧下平田
似我讀君集如君叩我禪初披皆目眩
再味轉心憐此嶠
姿堪嚼雖冬貌亦妍勿勞神著述共此
吸青烟

玉屏遠眺

國朝黃梅

玉屏開島上勝概豁雙眸
鰲柱凌霄起鯨波浴日浮雲橫
京口樹潮拍鷺門舟海國清寧日
登臨樂未休

玉獅山房

池顯方

崑崙渡海一萬里孕得石蓮生
海底洪濟峰尖貫入雲回
顧群山似浮薺從古相傳白鷺門
于今不數薛陳邨一城

廈門志

卷九

矣

如花半倚石最高鎮北學龜蹲
城中英雄會幾代未有一
人跨龜背榕根裂壁影倒波晨昏
空作風雲熊旁出怪石
名獅王昂首青尾不可當
月作金瞳潮作吼虎山以下皆
降惶中有道人形瘦鶴暫砌石堦
張雲幕未來鬼嘯人少
過一到龜伸獅亦躍門前挂起止
靜字詩賓酒客皆迴避
惟有禪僧特地來高峻門風亦怯
至一味風聲伴三眠蒲
團懸在大樹巔有時默坐同栖鳥
有時文章瀉碧天

太平巖

葉廷梅

招提隱隱隔層霄石磴欹崎一線遙
僧去平臺花雨冷風
清古剎海氛消青山落木空斜照
綠水孤帆半夕潮兩袖

飄然薜蘿徑那知頑石笑漁樵

秋日遊醉仙巖

陳光章

聞道秋山境隔凡間携樽榼到幽巖幾行佛屋歸雲擁百尺松梢夕照銜曲徑斜通仙跡路海潮遠送鷺門帆憑高應識蓬萊近還閱丹經手自芟

鷺門觀海

張對墀

康回憑怒折地維精衛木石無所施茫茫大地滙爲水至今東南各天池天池何浩浩近接鷺門島帆影蔽津梁桅尖拂蒼昊龍尸耳目竒馬人鬚眉老鑿齒雕題重譯聲南金大貝諸夷寶家塗翠碧與丹青人飾珊瑚及瑪瑙試問

廈門志

卷九

七

此物所從來盡說梯航由海道海色潏然朝宗百川白迴島嶼蒼繞市廛山頭返照港口橫煙洎洎涌湧森森困困九年水不潦七年旱不乾昔聞黃河之水天上來今見滄海之水天外接更上山頭第一峯海外竒觀收目睫排天風浪雪山傾浴日鯨波金冶洩十尋樓櫓拄高篷看似空中舞片葉須臾萬里乘長風依稀蓬影亦漸滅縱有錢鏐之弩能射

潮伍胥之風能鼓浪一旦對此亦

應心魂怯吁嗟呼海之源無底止海之濶無涯渙洞庭雲夢真可吞江淮河漢浮漚耳我欲臨流乘風訪八越衝風破浪不用指南車直向吾家博望借仙槎扶桑賜谷皆游

徧身騎燭龍排雲霞迴首泥塗喚沫者紛紛轍劍與井蛙

鷺門紀槩

洪和長

錦繡煙花自一洲無邊風景似杭州樓臺半蘸晴江水簫
鼓時聞畫鷁舟芳草遺釵春拾翠紅綃顧曲夜纏頭我來
不作繁華夢爲有青山約未酬

登高崎目巖

國朝 陳思敬

拳山突兀水風灑破浪揚帆心目駭百戰會傳抗臂螳雙
墟祇有遺匡蟹雲雷開霽海氛清日月重光關險解故老
凋零往事湮百年刀劍耕牛買

廈門

國朝 孫爾準

廈門志

卷九

九

廈門本荒碕何年盛都會海壖數繁要彈丸乃稱最自從
鯨頭人於此建大旆金門依輔車浯嶼互襟帶臺陽跨天
險澎島通地肺偏強波濤間自覺夜郎大七星兆妖讖兩
豎效狼狽終日尋戈矛先後伏湛欽大帥設中權四鎮屯
下瀨碧瀾澄波瀾黃圖大無外浮天走估舶隘地集市儉
南琛獻丹于上貨羅紫貝權估設關梁譏苛竿舟軟姦富
操竒贏末游藉沾丐邇來顏凋劫褊陋等自鄙盛衰有倚
伏物理戒其大龜毛詎成瓊蟬腹將欲脫寄語桑大夫心
計呂足賴廉如蕭廣州方物倍司會